

Saveeņ Tau Ipaghazon ai Ngar Yon gaan a To Maaron Kamapim Tok Hait—Revelation

¹ Saveeņ tane isavia gabua tau muuņ tighen ngozaan ıla to Maaron mon, ve aazne Yesu Kriši ivoti zi gha tivot tighazon wa. Maaron ighe besoon a to Kriši tiwatagh gabua tau malau mako pale tivot itaghon ngar tooni. Tauta igham saveeņ tane pa Kriši. Ra Kriši aana imbaan anela tooni ilam ivotia saveeņ tane pa yau Yoan, besoon a tooni. ² Gabua naol tau rau tane isavi zi ne, taug naghit zi pa matag. Tauta napariaan saveeņ a naghe ene saveeņ onoon to Maaron tau ipariaan tamtamon to tighur ıla to Yesu Kriši. *

³ Saveeņ tau naboode ıla rau tane, ene Maaron tauu aliin a tau inarui ghiit. Sei tau ighe iwaato pa tamtamon, ene pale poia to Maaron iza tooni. Ve yes tau tiloon a ve titaghoni na paam, poia to Maaron pale iza toozi. Pasaa, saawe to saveeņ tane ighur anoon a, ene ilam igharau wa. *

Rau tane inarui lupuuņ liim ve ru to Kriši

⁴ Yau Yoan. Nabood rau tane ilat pa yam lupuuņ liim ve ru to Kriši tau aleep izi taan sirivu to Asia na. Maaron toit, i ileep irau saawe. Ileep muuņ

* **1:2:** Dan 2:28+; Syg 22:16 * **1:3:** Lu 11:28; 1Pe 4:7; Syg 22:7,
10

geeg, ileep aazne, ve murei, i pale ilam. I tauu, tomania Yesu Krisi, ve Avuvu liim ve ru *
 tau tileep ila Maaron naagho igharau niia to ghamuun pooz na, poia toozi pale iza tsiam, ve tingin gham aleep poia toman lolomim luuma. Onoon. ⁵ Yesu Krisi, i loolo eemon, ve ipariaan saveen onoon. Leso tamtamon tighur ila. I ta iburig pa mateegh imin maata. Ve i ta imuun pa gabua naol isov, ve injiniir kinik tisov to taan. I loolo igheen toit kat. Tauta sinj tooni imalin pa sosor toit, ve ipas ghiit tavot pa saghati tapiri. *

⁶ Ve igham ghiit tamin i tauu le. Leso tatotoi pooz tooni pa tamtamon, ve tabees pa Taama Maaron imin zeran to watoonrau. Yesu Krisi, i eeza tiina pa tapiri ve poia tooni, ve injin gabua naol isov. Tauvene iit aat tapakuru ta aazne ve taghon taghon gha ila. Onoon. *

⁷ Aghita. I pale ileep ila taitai ve ilam, ve tamtamon tisov tighita pa matazi.

Yes tau tiravu imaat na, pale tisov tighita paam.

Tauvene nughmarin to taan pale tighita, ve titañ tiina.

Onoon kat. Gabua tane pale ivot. *

* **1:4:** Pai katini, isaav ighe Yoan isavia gabua liim ve ru, ene puughu tauvene. Gabua tana, sirivu mako. Ene gabua eemon, ve dodoli. Ve gabua tana poia kat ve duduunja mon. Le sosor eta mako. Zeran ngara siriv tigde avuvu liim ve ru tane tizaa to gabua dodoli eemon, ene Avuvu Patabuyaanj. Eemon ngara siriv tigde avuvu liim ve ru tane, ene anjela liim ve ru tau timin daaba pa anjela tisov.

* **1:5:** Mbo 89:27; Yo 18:37; 1Kor 15:20; Syt 19:16 * **1:6:** Igham 19:6; 1Pe 2:9; Syt 5:10 * **1:7:** Dan 7:13; Sek 12:10; Mt 24:30

⁸ Tiina toit Maaron ileep irau saawe. Ileep muun geeg, ileep aazne, ve murei, i pale ilam. I saksaki ve ingin gabua naol isov. I isaav ighe: “Yau naleep munḡaan, ve naleep murei geeg. Namin gabua naol isov puughu, ve yau ta napasov zi.” *

Krisi ighur uraat pa Yoan ighe ibood saveeḡ tane

⁹ Yau Yoan, tonvetaz tsiam. Yau namin etamim pasaa, Yesu igham ghiit tamin le, ve itiḡa taleep ila pooz tooni loolo wa. Tauta tamtamon tighurghur pataḡani pait. Eemon iit tayooz ariaaḡ pa badooḡ pataḡani tau ighamgham ghiit ne. Aazne, tiziir ghau nalam naleep izi sisi Patmos pasaa, navotia Maaron aliḡa pa tamtamon, ve napariaaḡ zi to tighur ila to Yesu. *

¹⁰ Saawe patabuyaḡ ee to Tiina toit, yau nansunḡ, ve Maaron Avuvu tapiri izaa tsiau. Ra nalooḡ bobaaḡ tiina ee ilam pa murig imin tavuur itaḡ. *

¹¹ Isaav ighe: “Gabua tau yo ughit zi ne, ubood zi ila rau, ve uyambaara ila pa lupuuḡ liim ve ru to Krisi tau tileep izi nugh tane: Epesus, Smerna, Pergamum, Tiatira, Sardis, Piladelpia, ve Lao-disia.”

¹² Tauvene nator ghau naghe naghita sei tau isavsaav payau. Saawe tau matag imuul, yau naghita lam aiazi liim ve ru tau tigharaat zi pa gol, ¹³ ve ḡeer ee iyooz ila bodbodaḡ to lam aiazi tawe. Naagho imin Tamtamon Naatu. I inonogh ghi pa nonoghiḡa malaua tau ipoon avaaara le ila ipas aaghe puughu. Ve gabua milmlia tau

* **1:8:** Mbo 90:2; Is 41:4; Syg 22:13 * **1:9:** Mbaḡ 14:22; Ro 8:17; 2Tim 1:8, 3:12 * **1:10:** Igham 19:16, 19-20

tigharaata pa gol na ilivut gargari. ¹⁴ Daaba raua moom ve ipisosoŋ kat imin sipsip ooro, ma taitai pisosoŋa. Ve maata imin yav yaama. †

¹⁵ Aaghe milmilía imin mbaras tau yav ighani le muun ighau ve ingalaan kat. Ve aliin̄a, ene imin nugh tau yaa tiina iyatyaat izi toman luutu tiina.
*

¹⁶ I ikis pitum liim ve ru ila niima tapir, ve mbuzaagh ee igheen ila aavo. Mbuzaagh tooni, maata kat. Ve mbuzaagh tawe, maata ru. Neer tawe naagho isul imin aaz tau ighaaz kat. ‡ *

¹⁷ Yau naghita neer tawe le tapirig isov, ve natap izi aaghe puughu imin tamtamon tau imaat. Eemon i ikis ghau pa niima tapir, ve isaav payau ighe: “Uroi sov. Yau ta naleep mun̄gaan ve naleep murei geeg. Yau namin puughu pa gabua naol isov. Ve yau aat nan̄gin zi tauvene le taan saawe.

¹⁸ Yau naleep matag yaryaare irau saawe. Muun̄, yau namaat. Eemon ughita. Aazne, naleep matag yaryaare. Ve yau aat naleep tauvene le alok. Yau ta nan̄gin mateegh ve nugh to yes mateegha.

¹⁹ Tauvene ubood gabua tau ughit zi ne. Gabua tane, aazne siriv tivotvot. Ve siriv pale tivot murei.

²⁰ Pitum liim ve ru tau yo ughit zi tighen ila nimag tapir ne, tomania lam aiazi liim ve ru, ene puughu yon̄gaan̄a. Puughu tauvene: Lam aia liim ve ru, ene izaa to lupuuŋ liim ve ru to Asia tau nawaat

† **1:14:** Ziiri tane, ngara tauvene: Yesu ileep muun̄ ve ilam, ve i le ngar tiina kat. Ve i ighita gabua naol isov. Gabua eta irau iyoon̄ pani mako. * **1:15:** Dan 7:9, 13, 10:5+; Syg 19:12 ‡ **1:16:** Saveen̄ ziiri tane, ngara tauvene: Yesu maata pa lupuuŋ tooni, ve saveen̄ tooni imin mbuzaagh to iparav pani ve itatan ngar saghati.

* **1:16:** Mt 17:2; Ep 6:17; Hib 4:12

ezazi na. Ve pitum liim ve ru iza to anjela liim ve ru tau tinghamgin lupuu tawe.” §

2

Krisi aliija inarui lupuu to nugh Epesus

¹ Neer tawe isaav payau muul ighe: “Anjela tau ingin lupuu tsiau tau tileep izi nugh Epesus na, ubood saveen ila pani tauvene:

‘Neer tau ikis pitum liim ve ru ila niima tapir, ve ilaghlaagh ila lam aia milmlia liim ve ru sosozi na, aliija ilat payo ighe:

² ‘Ngar ve uraat tau yo *
 ughamgham zi na, yau nawatagh zi tisov. Yo urav taum pa uraat tsiau, ve uyooz ariaan pa badoon patanani. Ve yes tau tinghamgham ngar saghati na, yo ughurghur zi mako. Ve yes tau titoom tighhe yes mbanjoona to Krisi na, yo ugabiiz katin zi ve ughilaal zi ughe yes zeran to karom. *

³ Patanani naol ivotvot payo pasaa, yo utaghton ghau ve uvotia ezag. Eemon umbuzir mako. Tinim iza ve uyooz ariaan. *

§ **1:20:** Grika tiwaat ‘mbanjoona’ ila alinjazi tighhe ‘anjela.’ Tauvene ngara siriv tighhe anjela liim ve ru tane tizaa to tamtamon liim ve ru tau tinghamgin lupuu liim ve ru to Krisi tawe. Ve ngara siriv tighhe anjela tane, ene tamtamon liim ve ru tau lupuu tawe timbaan zi tila pa Yoan. Ve siriv tighhe anjela tane, ene anjela duduun tau tinghamgin lupuu to Krisi tawe. * **2:2:** Saveen tau Yoan iboode pa lupuu liim ve ru to Krisi na, isaav ighe ughita saveen ‘yo’ igheen ila, na ugham ngar ughe saveen inarui tamtamon eemon sov. Saveen tooni inarui tamtamon tisov to lupuu enaenja. * **2:2:** 2Kor 11:13; 1Yo 4:1
 * **2:3:** Hib 10:36, 12:3+

⁴ ‘Eemon gabua ee, ta yau narere ghom pani. Ene vene: Saawe tau ughur ilam tsiau imin maata, lolom igheen tsiau kat. Eemon aazne, lolom payau geeg mako. ⁵ Matam ingal ngar tau muun ughamghamu na. Pa aazne, yo utap tiina. Tau-vene utoor ngar tsio, ve utaghon ngar tau papazoge ughamghamu na. Ighe mako, yau pale nalat ve napas lam tsio aia ighau pa niia. *’

⁶ Ve ngar tsio ite tau yau naghita poia, ene vene: Yes tau titaghon eez ru imin Nikolas na, † yo ughur koi pa ngar toozi tawe imin yau.

⁷ ‘Tamtamon tau ighe le taliija, i aat iloon saveen tau Maaron Avuvu isasavia pa lupuun to Krisi. Isaav ighe tamtamon eta iyooz ariaan ve iliiv tovaan, yau aat nayok pani to ighan ai anoonja ila ai tau iyooz izi uum to Maaron loolo. Leso ileep maata yaryaare le alok.’ *

Krisi aliija injarui lupuun to nugh Smerna

⁸ ‘Anjela tau ingin lupuun tsiau tau tileep izi nugh Smerna na, ubood saveen ila pani tauvene:

‘Neer tau ileep mungaen ve ileep murei geeg, aliija ilat payo. I tau imaat ve iburig maata iyaryaar na, isaav payo ighe: *’

⁹ ‘Yau nawatagh: Patanani naol toman mbolaan tiina igham ghom. Eemon yau naghit ghom naghe yo urau kat pa gabua naol to Maaron. Ve yau

* **2:5:** Hib 10:32+ † **2:6:** Nikolas, i neer ee tau isavsaav pa yes Kristen tauvene: Isaav ighe tipaak yes matazi dodoli pa ngar toozi, ma tighur boog, ma tighan aniiij tau tipakur maaron karomja pani, ene kaut sorok. Maaron irau maata ila pa ngar toozi tawe mako. * **2:7:** Gnp 2:9, 3:22; Syt 22:2, 14 * **2:8:** Syt 1:18

nawatagh: Yes Yuda siriv tau yamᵇa alepleep na tingalᵇgal saveeᵇ naol payo. Onoon, zeran tawe tipamir tauzi tighe yes Yuda. Eemon yes Yuda tauu mako. Yau naghit zi naghe yes lupuuᵇ to Sadan. *

¹⁰ Yau nasaav payo: Malau mako pale patañani ite paam ivot payo. Eemon uroi sov. Neer Saghati pale ipazaagh tamtamon ve tighur tamtamon tsio siriv tiloᵇ tila ruum to yavyavuunᵇ. Patañani tana pale itoov ghuruunᵇ ila tsiam. Eemoghon pale igham gham irau mboᵇ saᵇavul mon, ve isov. Isaav ighe akis ghuruunᵇ ila tsiam tunᵇia le saawe tsiam to mateegh, ene pale naghām lemim atuya to yes tau tiyooz ariaaᵇ ve tiliiv tovaᵇaᵇ na. Atuya tawe, ene lepoogh to taleep mataan yaryaare le alok. *

¹¹ ‘Tamtamon tau ighe le taliᵇa, i aat iloon saveeᵇ tau Maaron Avuvu isasavia pa lupuuᵇ to Krisi. Isaav ighe tamtamon eta iyooz ariaaᵇ ve iliiv tovaᵇaᵇ, i aat ileep poia. Pasaa, mateegh tau imin ru pani, ene irau igham gabua eta pani mako.’ *

Krisi aliᵇa iᵇarui lupuuᵇ to nugh Pergamum

¹² “Anᵇla tau iᵇgin lupuuᵇ tsiau tau tileep izi nugh Pergamum na, ubood saveeᵇ ila pani tau-vene:

‘Neer tau aliᵇa ilat payo na, mbuzaagh tooni maata kat. Ve mbuzaagh tawe, maata ru. I isaav payo ighe: *

* **2:9:** Yo 8:39+; Ro 2:28+; Yems 2:5 * **2:10:** 2Tim 4:8; Yems 1:12

* **2:11:** Syg 20:6, 14, 21:8 * **2:12:** Syg 1:16

13 ‘Yau nawatagh: Sadan niia to ghamuun pooz igheen izi nugh tau yo uleep pani na, ve i ighamgham uraat toman tapiri tiina ta sena. † Muun, tamtamon tsio ee, eeza Antipas, loolo eemon ve ipariaan saveen tsiau. Iroi mako, ve ighur muuri payau mako. Tauta tiravu imaat izi nugh tsiam. Eemon saawe tana, yo upul ghuruun ila tsio mako. Ve aazne paam, yo ukiskis ezag soone.

14-15 ‘Eemon ngar tsio siriv, yau narere ghom pani. Pasaa, tamtamon tsio siriv titaghon ngar to Balam. Ene nasavia yes tau titaghon Nikolas tomania ziņeera ngar toozi. Matam ingal. Muun, Balam itotoi Balak pa eez to igherev yes Israela pa ghamuun ngar saghati. Tauta igham zi titap pa ghuruun ila toozi, ve tighur murizi pa Maaron gha tighan aniiņ tau tipakur maaron karomņa pani na, ve tighur boog. *

16 Tauvene utoor ngar tsio. Ighe mako, yau pale nalat tsio rekia mon, ve naparav tomania zeran tawe pa mbuzaagh tau igheen ila avog ne. *

17 ‘Tamtamon tau ighe le taliņa, i aat iloon saveen tau Maaron Avuvu isasavia pa lupuun to Krisi. Isaav ighe tamtamon eta iyooz ariaan ve iliiv tovaan, yau aat naghām le aniiņ manna yonņaana tau ighengheen izi nugh sambam. Ve naghām le maet pisosoonņa ee tau tibood eeza

† **2:13:** Artaal tiina kat to maaron karom to yes Grika, eeza Zeus, iyooz izi Pergamum. Artaal tawe, ghitoonņa imin kinik niia to ghamuun pooz. Ve rumei tiina ee to yes Roma iyooz izi Pergamum paam. Pasaa, yes Roma tigde tamtamon tisun pa kinik to Rom, ve tipakuru imin i Maaron. *

* **2:14-15:** Nam 22:5, 25:1, 31:16; 2Pe 2:15 * **2:16:** Syt 1:16, 19:15, 21

paaghu ila. Eeza tawe, eta iwataghi mako. Tam-tamon tau igham maet pisosoonja tawe, i mon ta pale iwataghi.’ *

Krisi aliinja injarui lupuun to nugh Tiatira

18 “Anjela tau injin lupuun tsiau tau tileep izi nugh Tiatira na, ubood saveen ila pani tauvene:

‘Maaron Naatu, maata imin yav yaama, ve aaghe milmilia imin mbaras tau yav ighani le muun ighau ve ingalaan kat. Aliinja ilat payo ighe:
*

19 ‘Ngar ve uraat tau yo ughamgham zi na, yau nawatagh zi tisov. Yo lolom payau ve tamtamon paam. Ve ughur ilam tsiau ariaan, ve ubesbees payau poi, ve uyooz ariaan pa badoon patajani. Ve uraat tsio ta aazne, ene iliiv uraat tau ugham zi imin maata na.

20 ‘Ve gabua eemon ta yau narere ghom pani. Ene vene: Livaa saghati ee ileep tomani ghom. I iwaat tauu ighe i propet to Maaron. Eemon ngar tooni, ene imin Yezebel tau muun ikaukau ngar to yes Israela na. Saveen karom tau i ivovotia na, ene ipapaghau besoonja tsiau pa eez tsiau. Tauta matazi saghati imin ngavuun, ve tighangan aniiij tau tipakur maaron karomja pani na. Ve yo uneneen pani mon. Ugham ngar eta pani mako. *

* **2:17:** Igham 16:14+; Is 62:2; Yo 6:48+; Syg 3:12, 22:4 * **2:18:**
Syg 1:14+ * **2:20:** 1King 16:31+; Mbanj 15:29; 1Kor 10:19+

²¹ Yau naghur sooso pani naghe itoor n̄gar tooni ve ipul n̄gar tooni to ghuruuñ boog. §
Eemon i loolo pa itoor n̄gar tooni ve ipul n̄gar saghati tawe mako. *

²² Tauvene yau aat naghām moroghoon saghati ivot pani. Ve yes tau tipaako pa n̄gar tooni saghati na paam. Isaav ighe titoor n̄gar toozi mako, ene aat naghur patañani tiina in̄arui zi. ²³ Ve Yezebel natña paam, *

yau aat narav zi tisov timataar. Leso lupuuñ to Krisi tisov tiwatagh tighē yau natirtiir tamtamon lolozi ve n̄gar toozi. Ve yau aat naghur atuya in̄arui yam en̄aen̄a itaghon n̄gar tsiam tsiam. *

²⁴ ‘Eemon yam siriv to nugh Tiatira ataghon Yezebel n̄gar tooni mako. Ve saveeñ tooni tau tiwaato tighē “Sadan n̄gar tooni yon̄gaan̄a” na, yam awataghi mako. Tauvene yau nasaav payam naghe: Irau naghur patañani ite paam izaā tsiam mako. ²⁵ Eemon yam aat ayooz ariaañ, ve akis n̄gar to Maaron tau igheen tsiam na tun̄ia, le saawe to namuul nalam.

²⁶⁻²⁸ ‘Isaav ighe tamtamon eta iyooz ariaañ ve iliiv tovaañ, ve itaghon n̄gar tsiau le indeeñ saawe

§ **2:21:** Saveeñ tane, aat saveeñ palelaañ. Saveeñ ziiri naol to buk tane tau isavia n̄gar to ghuruuñ boog, ene n̄gara tauvene: Tamtamon tighur murizi pa Krisi ve tibees pa maaron ite paam, imin livaa tau ipul azaawa ileple, ve ighur boog tomania tamoot ite. Livaa saghati tau Krisi isavia na, ighegherev yes Kristen to nugh Tiatira gha tibees pa maaron karomña siriv, imin muuñ kinik Ahab azaawa Yezebel igherevu gha ipul muuri pa Yoova, ve ibees pa maaron karom Baal. * **2:21:** Ro 2:4; Syg 9:20+ * **2:23:** Yezebel natña, ene yes tau tipaako pa n̄gar tooni. * **2:23:** Mbo 7:9; Ro 2:6; 2Kor 5:10; Syg 20:12+

tooni isov, ene aat naghur nugh nugh tileep ila i saamba ve igham pooz pazi, imin Taman Maaron ighur zi tileep ila yau sambag. Ve pooz tooni pale ariaaᅇa kat. I pale irav matin zeran sasaghati tapirizi, imin tamtamon tau irav valaghin uur gha imbiriiis ᅇgiira ᅇgiira. *

Ve yau aat naghām pitum zaunᅇa to mboᅇoozo pa tamtamon tana paam. † *

²⁹ ‘Tamtamon tau ighe le taliᅇa, i aat iloon saveᅇᅇ tau Maaron Avuvu isasavia pa lupuunᅇ to Krisi.’

3

Krisi aliᅇa iᅇarui lupuunᅇ to nugh Sardis

¹ ‘Aᅇela tau iᅇgin lupuunᅇ tsiau tau tileep izi nugh Sardis na, ubood saveᅇᅇ ila pani tauvene:

‘ᅇeer tau Maaron Avuvu liim ve ru tileep tomanᅇa, ve ikis pitum liim ve ru na, aliᅇa ilat payo ighe: *

‘ᅇgar ve uraat tau yo ughamgham zi na, yau nawatagh zi tisov. Tamtamon tipapait ghom tᅇghe lepooᅇᅇ tsiam to anunuun, ene iyaryaᅇᅇ kat. Eemon yau naghita ghuruunᅇ ila tsio, ene imaat wa. ² Uᅇheen irao! Uburig, ve upalot ghuruunᅇ ila tsio ᅇgiira tau ighengheen na. Mako pale isov kat. Yau nasaav tauvene pasaa, naghit ghom nage ᅇgar ve uraat tsio, ene iduduunᅇ geeg ila Taman Maaron maata soone. ³ Aazne, yo umin ᅇeer tau

* **2:26-28:** Mbo 2:8+; 1Kor 6:2+; Syt 20:4 † **2:26-28:** Pitum zaunᅇa to mboᅇoozo, ene izaa to Krisi ve saawe paaghu tau pale ivot pa Mboᅇ Murei. * **2:26-28:** Nam 24:17; Is 60:1-3; 2Pe 1:19; Syt

22:16 * **3:1:** Syt 1:4, 16

igheen le loolo iveegh. Tauvene utoor n̄gar tsio. Saveeñ tau muuñ tisavia payo gha ughamu na, matam ingali muul ve utaghoni. Isaav ighe uburig mako, yau aat nalat napateeñ ghom imin n̄eer to umbuun̄. Pasaa, saawe to namuul nalam, yo uwataghi mako. *

⁴ ‘Eemon yam to nugh Sardis, tamtamon tsiam siriv t̄ngin tauzi poi, ve tipat̄nt̄nai nonoghiina toozi mako. Tauvene yes popoiazi irau to tinonogh zi pa nonoghiina p̄isosoona, * ve yeña nilup ghei pa laghoon. *

⁵ ‘Isaav ighe tamtamon eta iyooz ariaañ ve iliiv tovaañ, ene aat yau nagh̄am le nonoghiina p̄isosoona to inonogh ghi pani. Ve eeza tau igheen ila rau to lepoogh maata yaryaare na, irau namusu ilale mako. Pale navotia tamtamon tana eeza ila Tamañ Maaron tomania aņela tooni naghozi, ve naghe i tamtamon tsiau. *

⁶ ‘Tamtamon tau ighe le taliina, i aat iloon saveeñ tau Maaron Avuvu isasavia pa lupuuñ to Krisi.’

Krisi aliina iņarui lupuuñ to nugh Piladelpia

⁷ ‘Aņela tau iņgin lupuuñ tsiau tau tileep izi nugh Piladelpia na, ubood saveeñ ila pani tauvene:

* **3:3:** Mk 13:33; 1Tes 5:2-6; 2Pe 3:10 * **3:4:** Nonoghiina p̄isosoona, ene imin ilaal pa yes tau gabuazi ve n̄gar toozi iņgalañ ve iduduun̄ mon ila Maaron maata. Ve tiparav ariaañ ve tiliiv tovaañ naol to Sadan. * **3:4:** Syt 6:11, 7:9+ * **3:5:** Mt 10:32; Lu 10:20; Syt 19:8, 20:12, 21:27

‘Ene saveeņ to Neer tau patabuyaan kat ve ighamgham ngar onoon mon. I ta ikis ki to David.

†

Tauvene isaav ighe i ikaak ataman, tamtamon eta irau ipoona muul mako. Ve isaav ighe ipoon ataman, eta irau ikaako muul mako. I aliinja ilat payo ighe: *

⁸ Ngar ve uraat tau yo ughamgham zi na, yau nawatagh zi tisov. Onoon, yo tapirim tiina mako. Eemon matam kisin saveeņ tsiau ve utaghoni, ve upaisamun ezag mako. Ughita. Yau nakaak ataman ee ila naghom wa. Ve tamtamon eta irau ipoona mako. † *

⁹ Yau nawatagh: Yuda siriv tighamgham patanani payo. Zeran tana tigham ezazi sorok tighe yes Yuda. Eemon tigham karom. Pasaa, yes titaghon dudunai Yuda ngar toozi mako. Yes tileep ila Sadan lupuun tooni. Tauvene yau aat naghom zi tilat tiput aghezi ila aghem puughu, ve tipakur ghom. Leso tighilaal tighe yau lolog igheen tsio kat. *

¹⁰ Pasaa, yo matam kisin saveeņ tsiau ve utaghoni, ve uyooz ariaan pa badoon patanani. Tauvene yau aat napaghau ghom pa tovaan tiina tau pale ivot pa tamtamon tisov to taan. ¹¹ Malau mako pale natal. Tauvene uyooz ariaan, ve ukis ngar to Maaron tau igheen tsio na tunja. Mako pale atuya

† **3:7:** Saveeņ ziiri tane, ngara tauvene: Yesu ingin gabua naol isov ve ighamgham pooz pazi imin muun David igham pooz pa yes Israela. Saa ngar tau i ighe ighamu, ene i irau ighamu. Gabua eta irau ikeeka mako. * **3:7:** Syg 1:18, 19:11 † **3:8:** Saveeņ ziiri tane, ngara tauvene: Krisi igham eez poia ivot pa yes Piladelpia to tigham uraat tooni. * **3:8:** 1Kor 16:9; 2Kor 2:12 * **3:9:** Is 60:14; Ro 2:28; Syg 2:9

tsio tau isasaŋan ghom na, irau ughamu mako. Pa atuya tawe, ene to yes tau tiyooz ariaaŋ ve tiliiv tovaan. *

12 ‘Isaav ighe tamtamon eta iyooz ariaaŋ ve iliiv tovaan, ene yau aat naghuru imin rir paghuuna to ipabood rumei to Maaron tsiau. I pale ileep tunja igharau Maaron. Irau tipasu muul mako. Ve yau aat nabood ezag paaghu, tomania Tamaŋ Maaron eeza, ve Tamaŋ Maaron nugh tooni eeza paam izala tamtamon tana paavo. Nugh tawe, ene Yerusalem paaghu tau igheen to Maaron tsiau izi nugh sambam, ve izilam. *

13 ‘Tamtamon tau ighe le taliija, i aat iloon saveeŋ tau Maaron Avuvu isasavia pa lupuuŋ to Krisi.’

Krisi aliija iŋarui lupuuŋ to nugh Laodisia

14 “Anjela tau iŋgin lupuuŋ tsiau tau tileep izi nugh Laodisia na, ubood saveeŋ ila pani tauvene:

‘Ene saveeŋ to ŋeer tau ighe: “Onoon” pa saveeŋ mbuaaŋ naol isov to Maaron, ve igham anoaŋazi ivot ila uraat tooni. I iyooz ariaaŋ ve ipariaaŋ saveeŋ onoon toman loolo eemon. Ve i imin puughu pa gabua naol isov tau Maaron ighur zi na. Aliija ilat payo ighe: *

15 ‘Ngar ve uraat tau yo ughamgham zi na, yau nawatagh zi tisov. Yo umin yaa tau ituntun geeg

* **3:11:** 2Tim 2:12; Hib 10:36+; Syt 2:25 * **3:12:** Ga 4:26+; Hib 12:22; Syt 14:1, 21:2 * **3:14:** Yo 1:3+; 2Kor 1:20; Kol 1:15+

mako, ve iyaun geeg mako. Yau naghe yo uleep ila ngar ru tane eta, o poi! §

¹⁶ Eemon mako. Yo uleep bodbodaan imin yaa tau ituntun geeg mako, ve iyaun geeg mako. Tau-vene ugham ghau ateg inaunau, ve rigmon kanan naluaar ghom uvot pa avog. ¹⁷ Pasaa, yo usavsaav ughe: “Yau tane, kuaz tauu. Nambool pa gabua eta mako. Narau gabua naol isov.” Eemon yau naghit ghom le lolog isaghatin ghom. Pasaa, yo uleep saghat, ve mbolaan tiina igham ghom. Ve matam ikumkuum, ve lem nonoghiina to ipoon tinim mako. Eemon lem ghilaloon mako. *

¹⁸ Tauvene yau nasaav payo: Yo aat ulam tsiau, ve ughol lem gol tau yav ighani le muun ighau pani ve ingalaan kat. Leso umin kuaz tauu to nugh sambam. Ve yo aat ughol lem nonoghiina pisosona, lesa upoon tinim pani. Mako pale tighit ghom tinim nginaan, ve mayam. Ve ughol lem marasin pa matam. Leso ughuru ila matam, ve igham matam poia ve ughita nugh. *

¹⁹ ‘Tamtamon tisov tau yau lolog pazi na, nayaonyaon zi, lesa napaduduun zi. Tauvene naghe utoor ngar tsio, ve uzuari ghom le ngar tsio iduduun kat. *

²⁰ Ughita. Yau nayozyooz ila ataman aavo, ve nasenjen ataman. Isaav igha tamtamon eta iloon

§ **3:15:** Nugh ee tau igharau nugh Laodisia na, lezi yaa tuntunu tau iuluul yes moroghoona. Ve nugh ite tau igharau zi na, lezi yaa yauna tau poia kat pa ghunuun. Eemon nugh Laodisia lezi yaa poia eta igharau zi mako. * **3:17:** Lu 12:21; 1Kor 4:8 * **3:18:** Is 55:1; Mt 13:44; 1Pe 1:7; Syt 7:13+ * **3:19:** 1Kor 11:32; Hib 12:5

aliŋag ve ikaak ataman payau, yau aat naloŋ nala tooni, ve yeiru nivalupu ghei pa ghanghaniŋ. *

²¹ ‘Isaav ighe tamtamon eta iyooz ariaaŋ ve iliiv tovaŋ, ene aat yau nayok pani to yeiru nileep ila niag to ghamuuŋ pooz, imin yau nayooz ariaaŋ ve naliiv tovaŋ, tauta yeiru Tamaŋ nileep ila niia to ghamuuŋ pooz. *

²² ‘Tamtamon tau ighe le taliŋa, i aat ilooŋ saveŋ tau Maaron Avuvu isasavia pa lupuuŋ to Krisi.’ ”

4

Maaron ileep ila niia to ghamuuŋ pooz izi nugh sambam

¹ Yau naghita gabua tana le isov, ve matag ila le naghita ataman ee ikakaak izi nugh sambam. Ra ŋeer tau muuŋ naloŋa isaav payau imin tavuur itaŋ na, aliŋa ilam payau muul ighe: “Uzalam sene, leso natotoi ghom pa gabua tau murei pale tivot itaghon Maaron ŋgar tooni.”

² Rekia mon Maaron Avuvu tapiri izaa tsiau, ve naghita Maaron niia to ghamuuŋ pooz iyooz izi nugh sambam, ve Ŋeer ee ilepleep ila. *

³ I naagho milmilia imin maet yaspa ve karnelian tau ŋgeretazi popoia na. Ve taliŋbuuz tau mbonari airaumbitai imin maet emeral na, ilivutin ŋeer tawe niia to ghamuuŋ pooz. *

* **3:20:** Yo 14:23 * **3:21:** 2Tim 2:12; 1Kor 6:2 * **4:2:** Mbo 47:8; Is 6:1 * **4:3:** Ezek 1:22-28

⁴ Ve naghita nginiina tamoot ee ve paan (24) tileep ila niazi to ghamuun pooz ve tilivut Maaron niia to ghamuun pooz. *

Yes tinonogh zi pa nonoghiina pisonoona, ve moghar ndamoonda to kinik tighen izala dabazi. Moghar toozi tawe, tigharaat zi pa gol. ⁵ Ve naghita nugh ighani milmilia ta Maaron niia to ghamuun pooz we, ve ivotvot, ve naloon lalaav lutluutu. Ve sul liim ve ru tighanghan ila Maaron niia to ghamuun pooz naagho. Sul tawe, ene Maaron avuvu liim ve ru. *

⁶ Ve gabua ite igheen ta sewe paam. Ghitoona imin te. Tigharaata pa galas tau ngalaana kat.

Ve gabua matazi yaryaare paan tiyooz livutin Maaron niia to ghamuun pooz. †

Gabua paan tawe, matazi katini, irau anonazi dodoli. Matazi igheen pa naghozi ve murizi paam. *

⁷ Gabua paan tawe, ee naagho imin laion. Ve ite naagho imin makau tamoot. Ve ite naagho imin tamtamon. Ve imin paan pani, naagho imin

* **4:4:** Zeran ngara tige nginiina 24 tawe, ene yes anela tau tingin Maaron tamtamon tooni, o Yakop natja sanjavul ve ru ve yes mbanjoona sanjavul ve ru to Krisi. Saveen ziiri naol to rau tane isavia gabua sanjavul ve ru (12), ma tamoot ee ve paan (24) [=12+12], ma ndinndin ee, tamoot ru ve geege paan (144) [=12 taims 12]. Saveen tauvene, ene iza to Maaron tamtamon tooni, ma Krisi lupuun tooni. * **4:5:** Igham 19:16 † **4:6:** Zeran ngara tige gabua paan tane, ene anela arianazi kat tau tibesbes pa Maaron ve tingin niia to ghamuun pooz. Yes paan pasaa, tighamgham uraat irau sambam ve taan ziige ta naol. Ighe buk tane isavia gabua paan, ene puughu tauvene: Gabua tana igheen o ivot irau nugh tisov. * **4:6:** Ezek 1:5+; Is 6:1-3

manbog tau iraraav baage pa rovaan̄. ⁸ Gabua paan̄ tawe lezi bagezi liim ve ee le irau zi. Ve matazi katini kat. Irau anon̄azi ve bagezi paam. Ve yes timariau mako. Mbon̄ ve mataaz, tipapait Maaron eeza tighe:

“Tiina toit Maaron, i saksaki ve ingin gabua naol isov.
I patabuyaan̄, le patabuyaan̄, le patabuyaan̄ kat!
I ileep muun̄ geeg, ileep aazne, ve murei i pale ilam.” *

Tipait Maaron eeza izi nugh sambam

⁹ Neer tau ileep ila niia to ghamuun̄ pooz irau saawe na, gabua matazi yaryaare paan̄ tawe mon-mon tipapakuru ve tipapait eeza pa tapiri ve poia tooni. ¹⁰ Ve saawe tau tigham tauvene, yes nginiin̄a tamoot ee ve paan̄ tila titap tizi ila i naagho, ve tipakuru paam. Ve tizugh moghar toozi tau igheen izala dabazi na tizi, ve tighur zi ila neer tawe niia to ghamuun̄ pooz naagho, ve tipait eeza tighe:

¹¹ “O Maaron, Tiina tsiei, yo poiam kat. Isaav ighe nipakur ghom ve nipait ezam pa tapirim ve poia tsio, ene iduduun̄. Pasaa, yo mon ta ughur gabua naol isov itaghon taum ngar tsio. Tauta gabua naol isov tivot gha tigheen tauvene.” *

5

Sipsip to Maaron irau iraraav rau to Maaron

¹ Ra matag ila le naghita Neer tau ileep ila niia to ghamuun̄ pooz na, ikis rau ee ila niima tapir. Rau

* **4:8:** Is 6:2+; Syg 1:4 * **4:11:** Gnp 1:1; Mban̄ 14:15, 17:24

tawe, tilulunu ve tipaak bagil liim ve ru ila aavo ziige, lesa ikaak sov. Bagil liim ve ru tawe, mboom to Maaron igheen ila. Ve rau tawe, tibood saveeņ ila loolo ve muuri paam. * *

² Ve naghita aņela ee tau tapiri tiina na iboob aliija tiina ighe: “Sei ta poia kat irau to iwalaav bagil pa rau tawe, ve iraraava?”

³ Tauvene titiir sambam, taan, ve taan loolo paam. Eemon tighita eta tau poia kat irau to iraraav rau tawe ve ighita loolo ne mako.

⁴ Tauvene yau nataņ tiina. Pasaa, tindeen eta tau poia kat irau to iraraava ve ighita loolo ne mako.

⁵ Yau nataņtaņ, ve nginiija tamoot ee ve paan (24), toozi ee ilam ve isaav payau ighe: “Utaņ sov. Ughita neer tawe. I Laion tau ivot ila to Yakop naatu Yuda ziiri waaro tooni. I paaghu to kinik David. I iyooz ariaaņ ve iliiv tovaan wa. Tauvene i poia irau to iwalaav bagil liim ve ru to rau tawe, ve iraraava.” *

⁶ Ra matag ila le naghita Sipsip ee iyozyooz igharau Maaron nia to ghamuun pooz. Ve gabua matazi yaryaare paan tomania yes nginiija tamoot ee ve paan (24) tilivuti. Sipsip tawe ghitoonja imin muun tiravu imaat. I le zoonja liim ve ru. †

* **5:1:** Rau tau saveeņ ziiri tane isavia na, ene izaa to ngar isov tau Maaron pale igham zi tivot izi sambam ve taan, lesa ighur atuya iņarui tamtamon pa sosor toozi, ve igham mulin tamtamon tooni. Ngar tawe, Krisi igham uratoini, lesa anoonja ivot. * **5:1:** Is 29:11;

Ezek 2:9+; Dan 7:10, 12:4 * **5:5:** Gnp 49:9+; Is 11:1, 10; Dan 7:13-14; Ro 15:12; Hib 7:14; Syg 6:1 † **5:6:** Gabua zoonja imin ilaal pa tapiri. Saveeņ tane puughu tauvene: Sipsip to Maaron, i saksaki ve tapiri tiina kat iliiv gabua naol isov.

Ve maata paam, liim ve ru. Maata tawe, ene Maaron Avuvu liim ve ru tau i imbaan̄ zi tila tirau taan. *

⁷ Sipsip tawe ilaagh in̄arui N̄eer tau ileep ila niia to ghamuun̄ pooz na, ve igham rau tau igheen ila niima tapir. † *

⁸ I igham rau tawe, ve gabua matazi yaryaare paan̄ tomania n̄giniin̄a tamoot ee ve paan̄ (24) tila titap tizi ila i naagho, ve tipakuru. Yes en̄aen̄a tikis gabua imin̄ gita ve oon̄ geegeu tau tigharaat zi pa gol na le irau zi. Oon̄ tawe tivon pa naunaun̄ popoia. Naunaun̄ tawe, ene sun̄uun̄ to Maaron tamtamon tooni patabuyaana. *

Tipait Sipsip to Maaron

⁹ Yes tipait Sipsip to Maaron pa mboun̄ paaghu ee tighe:

“Yo poiam kat irau to ugham rau tana, ve uwalaav bagil pani, ve uraraava.

Pasaa, tirav ghom umaat, ve sin̄ tsio igham mulin̄ eval tiina gha timin̄ Maaron le wa.

Tinizi, tomania alin̄azi ve gabuazi, ene ite ite.

Ve yes to nugh marin̄. *

¹⁰ Ve yo ugham zi tisov timin̄ Maaron le. Leso tileep ila pooz tooni saamba, ve tibees pani imin̄ zeran to watoon̄rau.

* **5:6:** Is 53:7; Yo 1:29; 1Kor 5:7 † **5:7:** Saveen̄ ziiri tane aat isavia saawe tau Krisi imuul izala sambam ve igham eeza tiina ve tapiri to in̄gin gabua naol isov. * **5:7:** Dan 7:13+; Pil 2:9-11; Hib 2:9 * **5:8:** Mbo 141:2; Hib 13:15; Syg 4:8, 8:3, 15:2 * **5:9:** Mbo 96:1, 98:1+; 1Pe 1:18+

Ve yes pale tigham pooz izi taan.” *

¹¹ Ra matag ila muul le naghita aņela katini kat ve naloņ aliņazi. Yes ndiņndiņ, ve ndiņndiņ, ve ndiņndiņ. Irau tanin zi mako. Tilivut Maaron niia to ghamuņ pooz, tomania gabua matazi yaryaare paan ve yes ņginiņņa tamoot ee ve paan (24) tawe. ¹² Yes timbou toman aliņazi tiina tigde:

“Sipsip to Maaron tau tiravu imaat na, i irau kat pa tapiri, kuaz, ve ņgar ta naol ne.

I saksaki ve eeza tiina. Ve i mbonari tiina ve poia puughu.

Tauvene tapait eeza, o iduduņ.”

¹³ Ra naloņ gabua naol isov tau Maaron ighur zi na tipait Maaron tomania Sipsip tooni ezazi. Yes tau tileep sambam, yes tau tileep taan paavo, yes tau tileep taan loolo, ve yes tau tileep te loolo. Tisov tilup avozi tigde:

“I tau ileep ila niia to ghamuņ pooz na, tomania Sipsip tooni, iit aat tapakur zi pa tapirizi ve poia toozi, ve tapait ezazi taghon taghon gha ila!”

¹⁴ Ve gabua matazi yaryaare paan tiyolyol saveņ tigde: ‘Onoon! Onoon!’ Ve yes ņginiņņa tamoot ee ve paan paam, titap tizi ve tipait Maaron tomania Sipsip tooni.

6

Sipsip to Maaron iwalaav bagil liim ve ru

* **5:10:** Igham 19:6; 1Pe 2:9; Syg 1:6, 20:6

¹ Ra yau naghita Sipsip to Maaron igham rau tau bagil liim ve ru tighen ila na, ve iwalaav bagil ee imin maata. *

Ve naloon gabua matazi yaryaare paan, toozi ee iboob aliinja tiina kat imin lalaav luutu ighe: “Ulam!” ² Ve matag ila le naghita hos pisosoonja ee. Neer tau ilandoova na ikis paneegh, ve tigham le moghar ndamoonda ee. Pasaa, i iparav ariaan toman koinja siriv ve iliiv zi wa. Tauta ila ighe iparav muul. *

³ Mako Sipsip to Maaron iwalaav bagil ite izi, ve naloon gabua matazi yaryaare paan, toozi ite isaav ighe: “Ulam!” ⁴ Tauvene hos ite ivot ila. Hos tawe, sinjinai kat imin yav yaama. Ve tigham mbuzaagh tiina ee pa neer tau ilandoova na, ve tiyok pani to ipaghau lepoogh poia pa tamtamon to taan, ve ipazaagh zi pa malmal. Leso tivaravu zi gha timatmaat. *

⁵ Mako Sipsip to Maaron iwalaav bagil ite imin tol izi, ve naloon gabua matazi yaryaare paan, toozi ite imin tol, isaav ighe: “Ulam!” Ra matag ila le naghita hos gabgabuai ee. Ve neer tau ilandoova na, i neer to ighamgham nibib. Tauvene ikis sikel ila niima. ⁶ Malau mako ve naloon neer ee aliinja ivot ila gabua matazi yaryaare paan tawe sosozi ighe: “Pitool aat ivot. Ve aniin atuya pale izala kat. Isaav ighe tamtamon tigham uraat pa aaz ee, atuya tau tigham pa uraat toozi, ene irau tighol

* **6:1:** Krisi iwalaav bagil liim ve ru, ene ngara tauvene: Saawe tau tamtamon to Krisi tileep izi taan, patanjani maata maata pale igham zi. Eemon Krisi ingin patanjani toozi. * **6:2:** Sek 1:8+; Syg 19:11 * **6:4:** Mt 24:6+

aniinj tiina pani mako. Aniinj bali tau atuya rau-rauai, yes pale irau tighol uur geegeu tol ma vene. Ve aninj wit, atuya toozi tawe pale irau tighol uur marani eemon geeg. Eemon uvaghamunia ai oliv ve vaen sov.”

⁷ Mako Sipsip to Maaron iwalaav bagil ite imin paan izi, ve naloon gabua matazi yaryaare paan, toozi ite imin paan, isaav ighe: “Ulam!” ⁸ Ra matag ila le naghita hos yanoonja ee. Ve neer tau ilandoova na, tiwaat eeza tighe: ‘Mateegh.’ I imuun, ve nugh to mateegha itaghoni. Ve tivalagh tamtamon tisov to taan timin ngun paan, ve tighur ngun ee ila yesuru nimazi, leso tirav zi timatmaat. Tauvene tirav tamtamon siriv pa mbuzaagh. Ve siriv, pitool tiina ve moroghoon sasaghati irav zi. Ve siriv, gabua sagsagna tighan zi gha timatmaat.

⁹ Mako Sipsip to Maaron iwalaav bagil ite imin liim izi, ve naghita eval tiina anunuzi tileep ila artaal to nugh sambam saamba. Yes tawe, muun titaghon saveen onoon to Maaron ve tipariaan tamtamon to tighur ila to Yesu. Tauta yes to tighur koi pa Maaron na, tirav zi timatmaat. *

¹⁰ Yes tiboob toman alinjazi tiina kat tighe: “O Maaron, yo saksakim ve patabuyaan, ve avom onoon. Neez o ugabiiz tamtamon tau tileep izi taan na, ve uyat sinj tsiei?” *

¹¹ Ra tigham tamtamon tawe lezi nonoghiinja pisosoonja mamalaua le irau zi, ve tisaav pazi tighe: “Atemim izi, ve asanan rig. Pa tonvetaz tsiam siriv tau tibesbees pa Krisi na, Maaron ighur zi

* **6:9:** Mbanj 14:22; 2Tim 1:8; Syg 1:9, 7:9+ * **6:10:** Ro 12:19; Syg 19:2

ighe timaat raraate imin yam. Saawe tau tirav zi le tisov, mako iyat siŋ tsiam.”

¹² Mako naghita Sipsip to Maaron iwalaav bagil ite imin liim ve ee izi, le yogyoog tiina kat itok taan. Ve aaz maata gabgabuuŋ imin uuli gabgabuai to monjiin, ve kaiyo paam, maata siŋsiŋaanŋ imin siŋ.

¹³ Ve pitum tau tigheen ila sambam saamba na, pale titaptap tizilam taan imin ai fik tau anooŋa ŋgaala ve yaghur tiina itoki le titaptap tizi. ¹⁴ Ve tizuur sambam saamba ila pa ziige ee imin rau tau tilulunu. Ve tizuur loloz tomania sisi tisov tighau pa niazi paam. *

¹⁵ Tauvene yes kinik to taan tomania yes tau ezazi tintiina, ve daaba to yes zaaba, kuaz tauŋa, yes tau lezi tapirizi tiina, yes besooŋa, ve yes tau besooŋa mako ve tiŋgin tauzi na, tisov tila tiyooŋ ila maet purazi ve maet tintiina to loloz sosozi.

¹⁶ Ve tiboboob pa loloz ve maet tigehe: “Apol alam azala pavomai, ve apoon ghei pa Ŋeer tau ileep ila niia to ghamuuŋ pooz na maata. Leso ighit ghei sov, ve niyooŋ pa aatyavyav to Sipsip tooni. *

¹⁷ Pasaa, saawe tiina to titotoi aatyavyav toozi ighe ivot tane. Sei irau iyooz ve ipaloti?” *

7

Tighur mboom to Maaron izala tamtamon 144,000 to Israel ndamozi imin ilaal pazi

¹ Gabua tawe isov, ra naghita aŋela paanŋ tiyooz ila taan ziige paanŋ. Ee iyooz ila pa ragh, ee ila pa yavaar, ee ila pa kaagu, ve ee ila pa daudau.

* **6:14:** Is 34:4; Mt 24:29+; Mbanŋ 2:20; Syg 16:20 * **6:16:** Lu 23:30; Syg 9:6 * **6:17:** Mbo 76:7; Yoel 2:11

Ve tikis yaghur paan tawe. Leso tivuvuur taan, te, ma ai eta sov. ²⁻³ Ve naghita anela ite ileep aaz puughu ve iza. I ikis gabua tau Maaron maata yaryaare mboom tooni igheen ila na, ve isaav aliina tiina ila pa anela paan tawe ighe: “Avaghamunia taan tomania te ve ai rekia sov. Asaan rig, ve nighur mboom to Maaron toit ila yes besoonja tooni ndamozi imin ilaal pazi le isov o.” I isaav tauvene pasaa, Maaron igham anela paan tawe lezi tapirizi to tivaghamunia taan ve te.
*

⁴⁻⁸ Nalepleep, ve naloon yes Israela piiz tau Maaron ilaal tooni iza ndamozi na. Yes irau ndinndin ndinndin (144,000).
*
Yes Israela tana, rumei toozi enaenja lezi tamtamon irau ndinndin ndinndin sanjavul ve ru (12,000). Tauvene rumei to Yuda tamtamon toozi 12,000, to Ruben 12,000, to Gat 12,000, to Aser 12,000, to Naptali 12,000, to Manase 12,000, to Simeon 12,000, to Levi 12,000, to Isakar 12,000, to Zebulun 12,000, to Yosep 12,000, ve to Benyamin 12,000. Yes tawe tisov tigham ilaal to Maaron, tauta itotoi zi ighe yes timin i le wa.

Eval tiina to nugh nugh tipait Maaron eeza izi nugh sambam

* **7:2-3:** Ezek 9:4+; Syt 9:4, 14:1, 22:4 * **7:4-8:** Tamtamon 144,000 tane aat iza to Maaron tamtamon tooni tisov. Yes tau tileep pa saawe to saveen mbuaan munjaana, ve yes tau tileep pa saawe to saveen mbuaan paaghu na paam. Matam ingal Yakop natja sanjavul ve ru (12), ve yes mbanooja sanjavul ve ru (12) to Yesu. 12 taims 12 taims 1,000, ene 144,000. Ilaal to Maaron, zeran ngara siriv matazi ingal tigde ene iza to Avuvu Patabuyaana. Saveen siriv tau ipariaan ngar toozi tane, ene: 2Kor 1:22, Ep 1:13-14, ve Ep 4:30.

⁹ Gabua tawe isov, ra naghita eval tiina kat to nugh mariņ tiyooz ila Sipsip to Maaron naagho igharau Taama niia to ghamuun pooz. Tinizi, gabuazi, ve aliņazi ite ite. Yes tinonogh zi pa nonoghiija pisosoonja, ve tikis tuum raua ila ni-mazi. Yes eval le eval kat. Tamtamon eta irau inin zi mako.*

¹⁰ Ve tiboboob aliņazi tiina tighe: “Tapakur Maaron toit tau ilepleep ila niia to ghamuun pooz ne tomania Sipsip tooni. Pasaa, yesuru tigham mulin ghiit, tauta taleep poi.”

¹¹ Ve aņela tisov tiyooz livutin Maaron niia to ghamuun pooz tomania ŋginiija tamoot ee ve paan (24) ve gabua matazi yaryaare paan. Ve matazi ila pa Maaron niia to ghamuun pooz, ve titap tizi ila Maaron naagho, ve tipaiti tighe:

¹² “Onoon kat. Iit tapait Maaron toit pa poia tooni.

I eeza tiina kat, ve ŋgar tooni tiina.

Loloon poia pani pasaa, i igham poghani ghiit.

I saksaki, ve tapiri tiina kat.

Tauvene iit aat tapaiti tauvene taghon taghon gha ila. Onoon.”*

¹³ Ra ŋginiija tawe, toozi ee ighason ghau ighe: “Savunugha ta tinonogh zi pa nonoghiija pisosoonja we? Ve tilaagh mindai ta tilam?”

¹⁴ Yau nayol aliija naghe: “Tiina, yo uwatagh zi.”

Ra i isaav payau muul ighe: “Saawe tau tighur pataņani tiina pa Maaron tamtamon tooni, zeran tawe tiyooz ariiaan, ve tiliiv tovaan tau ivot pazi na. Yes timin nonoghiija toozi pa Sipsip to

* **7:9:** Syg 3:5, 5:9, 14:6 * **7:12:** Syg 5:12+

Maaron sinj tooni, tauta tinjalaan ve tipisosoon kat.
*

¹⁵ “Puughu tane ta zeran tawe tileep tigharau Maaron niia to ghamuun pooz, ve tibesbees pani ila rumei tooni loolo, ve tipapaiti irau mbon ve mataaz. Neer tau ileep ila niia to ghamuun pooz na, pale ileep tomani zi, ve ighur zi tileep ila i saamba ve ipoon zi. ¹⁶ Tauvene yes irau pitool zi, ma murun zi muul mako. Ve aaz irau ighaaz katin zi muul mako. *

¹⁷ Pasaa, Sipsip to Maaron tau ileep igharau Maaron niia to ghamuun pooz na, i tauu pale injin zi ve maata pazi. Ve i pale igherev zi tila pa yaa to lepoogh maata yaryaare tau bolokbolokia ve izazaa. Ve Maaron tauu pale imus matazi suuru isov ighau, ve irau titan muul mako.” *

8

Sipsip to Maaron iwalaav bagil ite imin liim ve ru

¹ Sipsip to Maaron iwalaav bagil ite imin liim ve ru izi, ra nugh sambam kiikia, ve igheen le malau rig irau aua sirivu ma vene. *

² Ra matag ila le naghita anela liim ve ru tau monmon tiyozyooz ila Maaron naagho. Tigham lezi tavuur liim ve ru, ve tirei enaena irau zi.

³ Ra anela ite ila iyooz igharau artaal. Artaal tawe, tigharaata pa gol, ve igheen ila Maaron niia to ghamuun pooz naagho. Anela tawe ikis oon

* **7:14:** Is 1:18; Mk 13:19+; Hib 9:14; 1Yo 1:7 * **7:16:** Mbo 121:6;

Is 49:10 * **7:17:** Mbo 23:1+; Is 25:8; Yo 7:37, 10:11+; Syg 21:4

* **8:1:** Hab 2:20; Sek 2:13

ee tau tigharaata pa gol, ve tigham le naunaun tiina tau vaazi poia. Leso ilupu tomania sunuun to Maaron tamtamon tooni patabuyaana, ve igham watoonrau pani izala artaal tawe. ⁴ Tauvene igham uratoi watoonrau tawe, le naunaun tau vaazi poia na mbuasa tomania sunuun to Maaron tamtamon tooni patabuyaana izala ila Maaron naagho. *

⁵ Ra anela igham oon tawe ve ipavoni pa yav to artaal le ivon, ve isiki izilam pa taan. Mako nugh ighani milia, ve lalaav gurunuruna, ve yogyoog itok.

Anela paan tiviv tavuur toozi

⁶ Ra anela liim ve ru tau tikis tavuur irau zi na, tigharaat zi lesu tiviv zi. *

⁷ Yes tivalagh taan tomania ai tisov tau tiyozaar ila na timin ngun tol, ra anela tau imuun pazi na, iviv tavuur tooni, ve tisik ais ve yav tomania sin izilam pa taan. Yav tawe ighan suvinia ngun ee. Ve ngun ru tisaghat mako. Tigheen poi. Eemon kikiliin, o yav ighani le isov. *

⁸ Mako tivalagh te imin ziige tol. Ve anela ite imin ru iviv tavuur tooni, ve tisik gabua imin loloz tiina kat izila te loolo. Loloz tawe, yav ighanghan ila. Tauvene te ziige ee itoora imin sin. Ve ziige ru tisaghat mako. Tigheen poi. *

⁹ Gabua tau tileep ila te ziige tau isaghat na, tisov timataar. Ve waan tau tipot ila te ziige tawe paam, tisov tisaghat ve timbiriis.

* **8:4:** Mbo 141:2; Syt 5:8 * **8:6:** Yes Israela tiviv tavuur imin ilaal pa patanani tau igheivot. * **8:7:** Igham 9:23+ * **8:8:** Syt 16:3

¹⁰⁻¹¹ Mako tivalagh yaa tisov timin ŋgun tol, ve aŋela ite imin tol, aana iviv tavuur tooni, ve pitum tiina ee itap sambam izilam. Pitum tawe iyaryaar imin sul. Ve tiwaat eeza ‘Papaii.’ Itap izala yaa ŋgun ee pavozi le ivaghamun zi. Yaa tau tirereer, ve yaa tau tivotvot ila taan loolo na paam. Tauta eval tiina tau tighunghun yaa papaii tawe na timatmaat. Ve yaa ŋgun ru, tisaghat mako. Tigheen poi. *

¹² Mako aŋela ite imin paan, aana iviv tavuur tooni, ve ivaghamunia aaz ziige ee ve kaiyo ziige ee. Ve aaz ziige ru, ve kaiyo ziige ru, tisaghat mako. Tigheen poi. Pitum tauvene paam. Tivalagh zi timin ŋgun tol, ve tivaghamunia ŋgun ee. Ve ŋgun ru tisaghat mako. Tigheen poi. Tauvene aaz ziige ve kaiyo ziige tawe tighaaz kat mako. Ve pitum ŋgun ee tawe paam, tiraŋ mako. Tauta mataaz sirivu, nugh imin ndoroom. Ve mboŋ sirivu paam, ndoroom tiina ikau nugh. *

¹³ Mako matag ila le naghita manbog ee iroov ila sambam saamba, ve iboob toman aliinja tiina ighe: “Oyai, oyai, oyai. Aa, tamtamon tau tileep izi taan na, tikaria tauzi wa! Pasaa, paita aŋela tol paam anazi tiviv tavuur toozi.”

9

Tavuur tau imin liim na itaŋ

¹ Mako aŋela ite tau imin liim na, aana iviv tavuur tooni, ve naghita pitum ee tau muuŋ itap sambam ve izila taan. Pitum tawe, tighuru imin

* **8:10-11:** Igham 7:20; Yer 9:15; Syg 16:4 * **8:12:** Igham 10:21+; Mt 24:29+; Syg 16:10

nginiinj to puura tiina tau le puughu mako na. Tauvene tighur ki to puura tawe aavo ila niima. *
*

² I ikaak puura tawe aavo, ve mbuas tiina kat imbuñ iza paani imin yav tiina kat ighanghan. Mbuas tawe ipoon aaz maata le nugh ndoroom. *

³ Ra gabua imin siis tivot ila mbuas tawe loolo, ve tila tileep irau taan. Maaron igham gabua tawe lezi tapirizi imin skorpion to taan. † ⁴ Ve tingalsekin zi tighu: Yes irau tivaghamunia kikiliinj, ai, ma gabua ite paam tau itum izi taan ne mako. Ve yes tau Maaron ilaal tooni ighen ila ndamozi mako na, yes mon ta siis tawe irau tivaghamun zi. *

⁵ Tauvene yes pale tighur yavyavuuj tiina pa tamtamon irau kaiyo liim. Yavyavuuj tawe imin mboolmamalau injal tamtamon. Eemon Maaron iyok pa gabua tawe to tirav tamtamon eta imaat kusia ne mako. ⁶ Saawe tau patanjani tana ivot, tamtamon pale tiil eez to timaat, leso timariau pa yavyavuuj toozi. Eemon pale tiilo le mako. Pale tipasawal tighu le timaat o poi. Eemon mateegh irau ivot pazi mako. *

⁷ Siis tawe, ghitonjazi imin hos tau tigharaat zi pa

* **9:1:** Pitum tawe aat iza to Sadan tauu, ma avuvu saghati eta tau imin daaba pa zeetja siriv. Ughita ziiri 11 to ngat tane. Puura tau saveej ziiri tane isavia na, ene izila le izila kat. Tighurghur avuvu sasaghati tileep ta sewe, leso tisanjan pa saawe to Maaron ighur atuya pazi. * **9:1:** Is 14:12-15; Lu 10:18; 2Pe 2:4; Jud 1:6;

Syt 20:1+ * **9:2:** Ep 6:12 † **9:3:** Skorpion, (o mboolmamalau) to yes Israela, ene tintiina. Isaav ighe injal tamtamon eta, ene i igham yavyavuuj tiina, raraate imin araraan injal tamtamon.

* **9:4:** Syt 7:3 * **9:6:** Lu 23:30; Syt 6:16

malmal. Dabazi, tighur gabua imin moghar mil-milia izala. Ve naghozi imin tamtamon. ⁸ Dabazi raua mamalaua. Ve livozi tintiina imin laion. ⁹ Tipoon gargarizi pa gabua ariiaan̄a tau tigharaata pa ain. Ve saawe tau tiroov, bagezi luutu imin karis katini tau hos tigherev zi ve tilaan pa malmal. *

¹⁰ Yes lezi ighuzi paam. Ighuzi maata, ene imin mboolmamalau tooni, lesu tĩngal tamtamon pani. Ve Maaron igham lezi tapirizi to tivaghamunia tamtamon pa ighuzi maata irau kaiyo liim. ¹¹ Ve yes lezi kinik to iĩgin zi paam. Kinik toozi, ene aĩela tau iĩgin puura saghati tau le puughu mako na. Tiwaat eeza ila Hibru alĩn̄azi tĩghe ‘Abaddon.’ Ve ila Grika alĩn̄azi tĩghe ‘Apolion.’ †

¹² Ene saveeĩ to pataĩani tiina tau ivot imin maata. Ve ru paam pale tivot. *

Tavuur imin liim ve ee itaĩ

¹³ Mako aĩela ite imin liim ve ee, aana iviv tavuur tooni, ve naloon saveeĩ ivot ila artaal tau iyooz ila Maaron naagho. Artaal tawe, dadabu paan̄ ve ŋoonda izaa iyooz, ve tigharaata pa gol. ¹⁴ I isaav pa aĩela tana iĩghe: “Aĩela paan̄ tau timbit zi ve tileep ila yaa tiina Euprates ziige na, upool ravraav pazi ve tila. Pa saawe toozi, tauta ivot wa.” *

¹⁵ Aĩela paan̄ tawe, Maaron ighur zi pataghaan̄ ve tisaan̄an mon pa saawe duduun̄ tau i tauu ighuru na. Tauvene tipool zi, ve tila tivalagh tamtamon

* **9:9:** Yoel 1:6, 2:4+ † **9:11:** Aĩela saghati tane eeza ru ‘Abaddon’ ve ‘Apolion’. Pughuzi eemon: ‘Neer tau ivavaghamunia gabua’. * **9:12:** Syg 8:13 * **9:14:** Syg 16:12

tisov to taan timin ŋgun tol le isov, ra tirav ŋgun ee timataar, ve tipul ŋgun ru tileep. *

¹⁶ Ve naloŋ tigde aŋela paan tawe zaaba toozi tau tileep izala hos ve tiparav na, yes irau ndiŋndiŋ ndiŋndiŋ (200 milion ma vene).

¹⁷ Ve tandaghiin tsiau, yau naghita tamtamon tau tilandoov hos na, ghitoŋazi tauvene: Gabua arianoŋazi tau tipoon gargarizi pani na, ene ŋgeretazi siŋsiŋai imin yav, mazavaniŋa, ve yaŋooŋa. Ve hos toozi dabazi, ene imin to laion. Ve gabua sasaghati tol tivotvot ila avozi to tivaghamunia tamtamon. Ene yav, mbuas, ve maet salfa tuntunu tau vaazi saghati kat. ¹⁸ Tauvene tivalagh tamtamon tisov to taan timin ŋgun tol, ve yav, mbuas, ve maet salfa tuntunu tau ivotvot ila hos toozi avozi na tirav ŋgun ee le tisov timataar. ¹⁹ Hos tawe, tapirizi igheen ila avozi ve ighuzi. Ighuzi maata, ene imin moot saghati daaba. Tauta tivaghamunia tamtamon pani.

²⁰ Eval tiina tau timaat ila pataŋani tawe mako na, tighita pataŋani tawe ivotvot, eemon ipaburigin ŋgar toozi mako. Yes titoor ŋgar toozi, ve tipul ŋgar sasaghati naol tau tighamgham zi ne mako. Yes tibesbees pa avuvu sasaghati. Ve maaron karomŋa tau tigharaat zi pa ai, gol, silva, mbaras, ve maet siriv paam, lolozi pa tipul zi mako. Tauvene gabua tau irau tighita nugh mako, tilooŋ saveeŋ mako, ve tilaagh mako, tauta tamtamon tawe tibesbees pazi, ve tipapait zi timin maaron toozi. *

* **9:15:** Syz 8:7+ * **9:20:** Mbo 115:4+; 1Kor 10:19+

²¹ Ve n̄gar toozi to ravuun̄j tamtamon timatmaat, ghamuun̄j mur, ghuruun̄j boog, ve umbuun̄j, ene paam, tipul zi mako. *

10

Ānela igham rau marani pa Yoan

¹ Ra matag ila le naghita ānela ariaāna ite tau ileep sambam ve izilam. Taitai ikauu imin nonoghīīna tooni, ve talīn̄buuz igheen izala daaba paavo. Naagho isul imin aaz maata. Ve aaghe ru, ene imin rir tintiina tau yav ighanghan ila. *

² I ikis rau marani ee tau tiraraava pataghaan̄j. I ighur aaghe tapir ila te, ve n̄as ila taan. ³ I iboob alīīna tiina kat imin laion itan̄j, ve naloon̄j lalaav luutu tiina kat pai liim ve ru toman saveen̄j, ve iyol bobaan̄j tooni. *

⁴ Gabua tana isov, ra naghe nabood saveen̄j tawe ila rau. Eemon naloon̄j saveen̄j sambam ve izilam ighe: “Saveen̄j tau ivot toman lalaav luutu gha uloon̄ja na, uboode sov. Igheen imin n̄gozaan̄j.” *

⁵ Ra naghita ānela tau aaghe ee iyooz ila te, ve aaghe ite iyooz ila taan na, iit niima tapir izala pa sambam, ⁶ ve ipariaan̄j saveen̄j tooni pa Maaron tau ileep irau saawe na eeza. I Maaron tau ighur sambam, taan, ve te, tomania gabua naol isov tau tileep ve tigheen ila. Ānela tawe isaav ighe: “Irau tasan̄an muul mako. Saawe isov wa! *

⁷ Saawe tau ānela tau imin liim ve ru na iviv tavuur tooni, ene aat Maaron n̄gar tooni yon̄gaan̄ja isov

* **9:21:** Syt 22:15 * **10:1:** Ezek 1:28; Mt 17:2; Syt 1:15+

* **10:3:** Mbo 29:3; Yo 12:29 * **10:4:** Dan 8:26, 12:4, 9 * **10:6:** Igham 20:11; Mbo 146:6

ighur anoonja itaghon saveen tooni. Saveen tawe, muun i ivotia ila to yes propet tau tibesbees pani na.”

⁸ Ra neer tau aliiņa sambam ve izilam na, isaav payau muul ighe: “Aņela tau aaghe ee iyooz ila te ve aaghe ite iyooz ila taan na, yo ula tooni, ve ugham rau marani tau tiraraava ve ikiskisi we.”

⁹ Tauvene yau nala tooni, ve naghasoni naghe igham rau marani tawe ilam tsiau. I isaav payau ighe: “Ughamu ve ughani. Pale uyamaana imonmoon ila avom imin tok suuru. Eemon izila apom, ene aat igham apom iyavyav.” *

¹⁰ Tauvene naghama rau tau igheen ila aņela tawe niima, ve naghani. Nayamaana imonmoon ila avog imin tok suuru. Eemon saawe tau natoona, igham apog iyavyav. * *

¹¹ Mako tisaav payau muul tige: “Yo aat uvotia Maaron aliiņa muul, ve usavia ņgar tau pale ivot pa yes kinik ve eval tiina to nughmarin tau tinizi tomania gabuazi ve aliņazi ite ite na.”

11

Uraata ru to Maaron tipariaaņ saveen tooni

¹ Murei ra, tigham leg ai ee to tovaan gabua, ve tisaav payau tige: “Ula utoov Rumei Tiina

* **10:9:** Ezek 3:3 * **10:10:** Rau tau Yoan ighamu na, ene Maaron aliiņa igheen ila. Maaron aliiņa isov ene poia imin tok suuru. Eemon Maaron aliiņa tawe isavia pataņani tau pale ivot pa tamtamon. Tauta saawe tau Yoan itoona, ighamu aapo iyavyav.

* **10:10:** Mbo 19:10, 119:103

tomania artaal, ve unin yes tau tisunŋun ila loolo na. * *

²⁻³ Eemon didiin tiina tau ilivut rumei ziige na, utoova sov. Pa Maaron ipul sooso tawe pa nugh nugh tau Yuda mako na, leso tiŋgini irau kaiyo tamoot ru ve geege ru (42). Mboŋ 1,260 tana, yes pale tivaghaaz nugh patabuyaan Yerusalem. Saawe tana, yau aat nambaan uraata tsiau ru to tivotia aliŋag pa tamtamon, leso tighur ilam tsiau. Yesuru pale tinonogh zi pa nonoghiŋa gabgabuai to moŋiin.” *

⁴ Yesuru timin ai oliv ru ve lam aia ru tau tiyooz izi Tiina toit tau iŋgin taan isov na naagho. † *

⁵ Isaav ighe koiazi eta itoova to ivaghamunia yesuru, ene aat yav ivot ila yesuru avozi ve ighani. Tauvene tamtamon tau ighe itoova to ivaghamunia yesuru, ene aat imaat pa eez tane. *

⁶ Maaron tapiri igheen to yesuru. Tauvene saawe tau tileep izi taan ve tivotia Maaron aliŋa pa tamtamon, yes irau tigham pataŋani maata maata tivot izi taan. Yesuru irau tipoon sambam saamba, leso uman izi sov. Ve irau titoor yaa imin siŋ paam. Saawe sindei tau tigde tigham tauvene, yesuru irau tighamu. *

⁷ Tauvene yesuru pale tipariaan tamtamon to

* **11:1:** Tovaan Rumei Tiina ŋgara, ene vene: Maaron tauu pale iŋgin tamtamon tooni ve maata pazi. Ughita Sek 2:1-5. * **11:1:**

Ezek 40:3+; Sek 2:1-5 * **11:2-3:** Dan 7:24+; Lu 21:24; Syt 12:6,

13:5 † **11:4:** Yes tau tivotia Maaron aliŋa pa tamtamon na, tighamgham tapirizi ila to Maaron Avuvu, ve titotoi ghazooŋa tooni pazi imin lam. * **11:4:** Sek 4:1-4, 11-14; Mt 5:14 * **11:5:** Yer

5:14 * **11:6:** Igham 7:17+; 1King 17:1; Yems 5:17

tighur ila Maaron aliija. Ve saawe tau tipasov uraat toozi tawe, ene pale gabua saghati ipul puura tau le puughu mako na, ve iza a gha iparav tomani zi. Mako iliiv zi ve irav zi timaat. *

⁸ Ve tamtamon pale tipul yesuru patazi tigheen sorok izi eez ziige tau igheen nugh tiina † loolo. Nugh tawe, tauta tirav Tiina toozi izala ai pambaroon gha imaat. Ve tipaleel pa nugh tawe eeza tige Sodom ve Isip. *

⁹ Eval tiina pale tila timarar yesuru patazi irau mboŋ tol ve sirivu. Yes to nughmarin. Ve tinizi tomania aliŋazi ve gabuazi, ene ite ite. Ve yes irau tiyok pa tamtamon eta to itavia patazi mako. ¹⁰ Pa muuŋ, propet ru tawe tighur pataŋani tintiina izaaa to tamtamon to taan. Tauvene saawe tau yesuru timaat, tamtamon to taan lolozi poia ve tintinizi, ve tivarei gabua pa tauzi. *

¹¹ Eemon mboŋ tol ve sirivu tana isov, ra Maaron iviv Avuvu maata yaryaare ilonŋ ila yesuru patazi, ve tiburig tiyooz. Tauvene yes tau tighit zi na, roinŋ tiina igham zi. *

¹² Malau mako ve tiloonŋ bobaanŋ tiina sambam ve izilam ighe: “Yamru azalam sene!” Ra zeran ru tawe koiazŋa timarar zi, ve taitai indai zi gha tizala pa nugh sambam. *

¹³ Saawe duduunŋ tana, yogyoog tiina kat itok nugh tiina tawe, le ruum katini tipolpol ve timbiriis.

* **11:7:** Dan 7:21; Syg 13:1-7 † **11:8:** Nugh tiina tane, ene aat iza a to Rom, Babilon, Yerusalem, ma nugh tiina sindei tau titaghon sasaghati ŋgar to taan, ve tighurghur koi pa uraata to Maaron.

* **11:8:** Is 1:10+; Mk 10:33+; Lu 13:34 * **11:10:** Yo 16:20

* **11:11:** Ezek 37:5+ * **11:12:** 2King 2:1+; Mbanŋ 1:9; 1Tes 4:17

Nugh enjaeᅇa enjaeᅇa tau ruum saᅇavul tighen ila na, toozi ee ipol, ve liim ve paanᅇ popoiazi. Yogyoog tawe irav tamtamon ndiᅇndiᅇ ndiᅇndiᅇ liim ve ru (7,000) timatmaat. Ve yes tau popoiazi na, roiᅇ tiina kat igham zi ve tipait Maaron to sambam eeza.

¹⁴ Ene pataᅇani tiina ta imin ru. Ve ite imin tol, paita ivot.

Tavuur imin liim ve ru itaᅇ

¹⁵ Mako aᅇela imin liim ve ru, aana iviv tavuur tooni, ve naloᅇᅇ eval tiina tau tileep izi sambam we tisaav toman aliᅇazi tiina tighē: “Aa ᅇgarig gha ᅇgar saghati tau muᅇᅇ ighamgham pooz pa taan na tapiri isov, ve gabua naol isov titaghon pooz to Maaron toit ve Mesia tooni.

Ve i aat ighamgham pooz tauvene irau saawe!” *

¹⁶ Ra yes ᅇginiᅇᅇa tamoot ee ve paanᅇ (24) tipul niazi to ghamuᅇᅇ pooz tau ighēen izi Maaron naagho na, ve titap tizi gha tipait eeza tighē:

¹⁷ “O Maaron, Tiina tsiei, yo saksakim ve unᅇin gabua naol isov. Yo uleep muᅇᅇ geeg ve ilam.

Yei lolomai poia payo, ve nipait ghom. Pasaa, tapirim tiina tomania pooz tsio, tauta uto-toia ivot ighazoᅇᅇ wa. *

¹⁸ Nugh nugh tau tiwatagh ghom mako na, atezi yavyav payo. Eemon aazne, ene saawe to utotoi aatyavyav tsio ivot ighazoᅇᅇ, ve ugabiiz yes mateegha, ve ughur atuya pazi.

* **11:15:** Igham 15:18; Mbo 10:16; Syg 10:7 * **11:17:** Mbo 93:1, 97:1, 99:1; Syg 1:4, 8

Tauvene yes propet tau muuŋ tibesbees payo, tomania tamtamon tsio patabuyaana tau tiroi payo ve titaghon ngar tsio na, yo aat ugham lezi atuya poia. Yes tau ezazi tintiina, ve yes tau lezi ezazi mako na paam.

Eemon zeran tau tivavaghamunia gabua izi taan na, yo aat uvaghamun zi.” *

¹⁹ Tisavsav le isov, ra ataman to Rumei Tiina tau igheen izi sambam na ikaak, ve Bokis to Saveeŋ Mbuaan igheen mataghare. Mako nugh ighani milia, lalaav luutu guruŋguruŋia, yogyoog itok, ve ais paatu tintiina titaptap sambam ve tizizi. *

12

Livaa ve moot tiina

¹ Ra naghita gabua ee ivot izi sambam imin ilaal. Gabua tawe, puughu tiina. Livaa ee inonogh ghi pa aaz, ve iyooz izala kaiyo. Ve pitum saŋavul ve ru tigheen izala daaba imin moghar ndamoonda. *

² Livaa tawe aapo ve ighe ipoop. Tauvene iyaamaan yavyavuun tiina ve iyakyak.

³ Malau mako ve gabua ite ivot izi sambam imin ilaal. Naghita moot tiina ee. Tiini siŋsiŋai imin yav ngilaani. Ve daaba liim ve ru, ve zoonŋa saŋavul. Ve moghar ndamoonda liim ve ru imin to yes kinik tigheen irau daaba liim ve ru tawe. *

* **11:18:** Mbo 2:1, 46:6, 110:5; Mbo 115:13; Mt 20:8; Ro 2:5+

* **11:19:** Igham 9:24, 19:16; Hib 9:4; Syg 8:5 * **12:1:** Livaa tau saveeŋ ziiri tane isavia na, izaa to Maaron tamtamon tooni, ve moot izaa to Sadan. * **12:3:** Dan 7:7

⁴ Pitum tau tighen sambam we, moot tawe iighu izuur ḡgun ee, ve isik zi tizila taan. Ve ḡgun ru tighen poi. Ra moot tawe ila iyooz izi livaa tana naagho ve isasaḡani. Ighe ipoop, mako rekia mon ve itoon naatu. † *

⁵ Livaa tana ipoop naatu tamoot. Naatu tawe pale ḡḡin nughmarin, ve pooz tooni pale ariaaḡa kat. Tauta moot ighe iravu imaat. Eemon Maaron indae izala, ve ighuru ileep ila niima tapir igharau niia to ghamuun pooz. *

⁶ Ra livaa tawe ighau ila ve ileep izi nugh ḡḡinaaḡa. Ene nugh tooni to lepoogh tau Maaron tauu ighuru pani pataghaaḡ. I pale ileep ta sewe ve Maaron ḡḡini pa lepoogh tooni irau mbon 1,260. † *

† **12:4:** Livaa naatu, ene Mesia, Yesu Kresi. Sadan loolo pa Mesia ivot ve igham uraat tooni mako. Ve i iwatagh: Mesia pale ivot ila to Maaron tamtamon tooni. Tauta saawe to Adam ve ilam saawe to Kresi, Sadan monmon ipaburigin tamtamon pa ravuun yes tau titaghon Maaron ḡḡar tooni. I itoova to irav Yesu imaat paam. Eemon ḡḡar tooni tawe ighur mako. Pasaa, Yesu iburig pa mateegh. Tauta saawe tana ve ilam, Sadan iliil eez pa ravuun Kresi tamtamon tooni. Eemon Maaron pale maata pazi. * **12:4:** Dan 8:10

* **12:5:** Lu 2:6+; Mbaḡ 1:9+; Pil 2:9+ † **12:6:** Muun, propet Ila ileep izi nugh ḡḡinaaḡa irau ndaman tol ve sirivu. Saawe tana, Maaron maata pani ve ḡḡini pa lepoogh tooni. Ve muun, kinik saghati ee to yes Grika, eeza Antiokus Epipanes, ighe igham yes Israela tipul ghuruun ila toozi. Tauvene ighur pataḡani tiina kat pazi irau ndaman tol ve sirivu. Tauvene, ndaman tol ve sirivu, ma mbon 1,260, ma kaiyo tamoot ru geege ru, ene iza a to saawe tau ḡḡar saghati ivot imin tiina ve igham pooz, ve tamtamon to Maaron tileep ila pataḡani tiina loolo. Saawe tauvene, Maaron pale maata pa tamtamon tooni. * **12:6:** 1King 17:1+; Dan 7:25; Syg 11:2, 13:5

⁷ Malau mako ve naghita malmal tiina ivot izi nugh sambam. Mikael § tomania aņela tooni tipaburigin malmal pa moot tiina tawe ve aņela tooni. Mako moot tomania aņela tooni anazi tipamuul malmal pazi. *

⁸⁻⁹ Eemon tapirizi irao mako. Tauvene moot tomania aņela tooni irau tileep izi nugh sambam muul mako, ve tisik zi tizila pa taan. Moot tawe ileep muuņ geeg ve ilam. Tiwaat eeza tighe Sadan ma Neer Saghati. I ta itotombaan tamtamon to taan tisov, ve ighegherev zi pa ghamuuņ ngar sasaghati. *

¹⁰ Ra naloon bobaan tiina ivot izi sambam tighe: “Aazne, Maaron toit igham mulin tamtamon tooni gha tileep poia, ve itotoi tapiri tomania pooz tooni ivot ighazoon wa. Ve ighur gabua naol isov tileep ila Mesia tooni saamba, leso iņgin zi. Pasaa, Neer Saghati tau mboņ mataaz iņgalıņgal saveeņ * pa toņvetaz toit ila Maaron naagho na, ene tiziire pa nugh sambam, ve tisiki izila taan wa. *

¹¹ Toņvetaz toit tigham ngar pa lepoogh poia to taan mako, ve tiroi pa mateegh mako. Tirei tauzi kat. Ve Sipsip to Maaron siņ tooni ipalot zi le tiyooz ariaan pa votiaan saveeņ onoon ila ila le irau mateegh toozi. Tauta tiliiv Neer Saghati wa. *

§ **12:7:** Mikael, ene aņela ee tau eeza tiina kat. I iņgin Maaron tamtamon tooni, ve imuņmuuņ pa zaaba to Maaron. * **12:7:** Dan

10:13, 21 * **12:8-9:** Lu 10:18; Yo 12:31; 2Kor 11:3; Syg 20:2+

* **12:10:** Sadan eeza, ene puughu tauvene: ‘Neer to nğaliıņ saveeņ’.

* **12:10:** Yop 1:9+; Sek 3:1 * **12:11:** Yo 12:25; Ro 16:20; 1Yo 5:4;

Syg 7:14

12 Tauvene yam tau aleep izi nugh sambam na, tintinmim ve lolomim poia. Eemon yam to taan ve yam to te, ayamaan gham. Pa Neer Saghati ta izilat na. Ve i iwatagh ighe saawe tooni ilam igharau wa. Tauvene aate yavyav kat.”

13 Moot ighita tisiki izi taan wa. Tauvene ila inaan livaa tau ipoop naatu tamoot na ighe ighur patajani pani. 14 Eemon tigham livaa tana le baage ru imin manbog, lesio iroov ila niia to lep-oogh ta nugh nginaanja we, ve ileep malau pa moot. Ve Maaron pale maata pani, ve ingini pa lepooch tooni irau ndaman tol ve sirivu. *

15 Tauta moot inaan livaa tana ve yaa tiina gonja ivot pa aavo, lesio izughu gha ilale. 16 Eemon taan iuule, ve ikaak aavo ve ighun makoi yaa tau ivot ila moot aavo na. 17 Tauvene moot aate yavyav kat pa livaa tawe, ve ila ipaburigin malmal pa livaa paaghu tooni siriv. Ene yes tau matazi kisin tutuun to Maaron ve titaghoni, ve tivotia ghuruun ila toozi ighazoon tige tighur ila to Yesu. 18 Ra moot tana ila iyooz izi nari. *

13

Gabua saghati iza pa te

1 Ra matag ila le naghita gabua saghati ee * iza bokia ila te paavo. Gabua tawe, daaba liim ve ru ve zoonja sanjavul. Zoonja tawe, moghar

* **12:14:** Igham 19:4; 1King 17:1+; Dan 7:25; Syg 11:2, 13:5

* **12:18:** Syg 1:9, 11:7, 13:7, 14:12 * **13:1:** Gabua saghati tane aat iza to gavman sasaghati tau tige tigham tamtamon to Maaron tipul ghuruun ila toozi. Tauvene tighurghur patajani pazi, ve tirav zi timatmaat. Saawe to Yoan, gavman to Rom tighamgham tauvene.

ndamoonda sanjavul imin to yes kinik tigheen ila. Ve tibood saveen naol ila daaba liim ve ru tawe timin gabua tawe eeza. Eeza tawe, isaav ighe neer eta to taan igham zi, ene ivelegh Maaron ve ipait tauu eeza sorok imin i Maaron. *

² Gabua saghati tau yau naghita na, naagho imin lepad, aaghe imin bea, ve aavo imin laion. † Ra moot ighur tapiri ve eeza ila tooni, ve ighuru ileep ila tauu niia to ghamuun pooz, ve ighur gabua naol to taan ila i saamba lesa ingin zi. *

³ Ve naghita gabua tawe daaba ee, zaab niia ighengheen ila. Pa muun, tiravu imaat. Eemon iburig muul toman tiini poia.

Yes tau tileep izi taan ve titaghon taan ngara na, tisov tirur pa gabua tawe ve titagho. *

⁴ Ve tiput aghezi pa moot ve tipakuru. Pasaa, i ta ighur tapiri ve eeza ila to gabua tawe. Ve gabua saghati tawe paam, tiput aghezi pani ve tipakuru tige: “Aighat, sei irau gabua tane? Ve sei irau iparav tomania ve iliivo? Mako.”

⁵ Maaron ipul gabua saghati tawe ingin nugh irau kaiyo tamoot ru ve geege ru (42). Saawe tana, gabua tawe ipapait tauu eeza, ve isiksik saveen veleghiin naol pa Maaron. *

⁶ Tauvene ikaak aavo, ve isavia saveen veleghiin naol pa Maaron. Ivelegh Maaron eeza, ivelegh niia to lepoogh, ve ivelegh yes tau tilepleep toman ia Maaron izi sambam na paam. ⁷ Ve Maaron

* **13:1:** Dan 7:2+; Syg 11:7 † **13:2:** Lepad, bea, ve laion, ene gabua sasaghati tol tau tintiina kat ve tiravrav tamtamon timatmaat. * **13:2:** Dan 7:4+; Syg 12:3 * **13:3:** Gnp 3:15; Syg 17:8 * **13:5:** Dan 7:8, 25, 11:36; Syg 11:2

ipul gabua tawe iparav tomania tamtamon tooni patabuyaana le iliiv zi. Ve ighur tamtamon tisov tileep ila gabua tawe saamba, leso ingin zi. Tinizi, tomania gabuazi, aliñazi, ve nugh toozi, ene ite ite.
*

⁸ Ve eval tiina to taan tiput aghezi pa gabua tawe ve tipakuru. Ene yes tau ezazi ighen ila rau to lepoogh maata yaryaare mako. Rau tawe, Sipsip to Maaron tau tiravu imaat na, ta ingini. Muun geeg, saawe tau Maaron ighur sambam ve taan soone, i ibood tamtamon tooni ezazi ila rau tawe pataghaan wa. *

⁹ Tamtamon tau ighe le taliina, i aat iloon saveen tane, ve igham ngar pani poi.

¹⁰ Saawe tau gabua saghati tawe igham pooz, yes tau Maaron ighur zi to tilon tila ruum to yavyavuun, ene aat tilon tila ruum to yavyavuun itaghon i ngar tooni. Ve yes tau i ighur zi to timaat pa mbuzaagh, ene aat timaat pa mbuzaagh. Tau-vene Maaron tamtamon tooni patabuyaana aat tikis ghuruun ila toozi tunia, ve tiyooz ariaan pa badoon patani. *

Gabua saghati ite tau ileep taan loolo ve iza

¹¹ Ra matag ila le naghita gabua saghati ite ileep taan loolo ve iza. Zoon ru imin sipsip. Eemon saveen tooni, ene raraate imin moot. †

* **13:7:** Dan 7:21 * **13:8:** Lu 10:20; Ep 1:4; Syg 17:8, 20:12+

* **13:10:** Yer 15:2, 43:11; Mt 26:52; Hib 6:12; 1Pe 4:19; Syg 14:12

† **13:11:** Gabua saghati ite tau ziiri tane isavia na aat iza to propet karomja tau tikau tamtamon ngar toozi, ve tigherev zi pa ghamuun ngar to Sadan.

¹² I igham iitete tau ivot imin maata na naagho, ve igherev eval tiina, leso tileep ila gabua tawe saamba. Tauvene tamtamon tisov tau tileep izi taan ve titaghon taan ngara na, i igham zi tiput aghezi pa gabua saghati tau ivot imin maata na, ve tipaiti. Ene i tau tiravu imaat, ve iburig muul. *

¹³⁻¹⁴ Gabua saghati tau imin ru na, Maaron ipuli igham gabua ngeretazi tintiina tivotvot. Tauta igherev tamtamon gha titaghon iitete tau ivot imin maata na pa ngar tooni. I irau igham yav sambam ve izilam taan ila tamtamon matazi. Karom tooni tawe ikau tamtamon to taan ngar toozi. Tauta tigharaat iitete tau ivot imin maata na anunu ve tipakuru. Ene i tau tiravu imaat, ve iburig muul. *

¹⁵ Ve Maaron ipul gabua saghati tau imin ru na igham gabua ngereeta ite. Iitete anunu tau tigharaata na, i ighamu le anunu tawe imin gabua tau ileep maata yaryaare ve isavsaav. Ve yes tau tiput aghezi pa anunu tawe mako na, anunu tawe pale isaav, ve tirav zi timaat. *

¹⁶ Ve i iyau tamtamon tisov, ve izoornugh pazi ighe tigham iitete tau ivot imin maata na ilaal tooni ila nimazi tapir ma ndamozi. Yes tau ezazi tintiina, ve yes tau lezi ezazi mako, yes kuaz tauņa, ve yes mbolaņa, yes besoonņa, ve yes tau besoonņa mako. ¹⁷ Ve tighur tutuun arianaņa tauvene: Yes tau lezi ilaal tawe, ene yes mon ta irau tighol gabua ve tigholia gabua toozi. Ve ighe mako, ene aat mako. Ilaal tawe, ene gabua saghati tau ivot

* **13:12:** Mt 7:15, 24:11 * **13:13-14:** Lo 13:1+; Mt 24:24; 2Tes 2:9+ * **13:15:** Dan 3:4+

imin maata na eeza. *

¹⁸ Ighe taghazon pa Maaron ngar tooni, ene aat tawatagh gabua tane puughu. Tauvene tamtamon tau le ngar, ene aat iwatagh eez to niniin gabua saghati tawe eeza, ve ighilaal puughu. Ilaal tooni, ene 666. Ve ene ilaal to tamtamon. §

14

Timbou mbou paaghu izi loloz Zion

¹ Ra matag ila le naghita Sipsip to Maaron tomaniania tamtamon tooni ndinndin ndinndin (144,000) tiyozyoos izi loloz Zion. Tamtamon tawe, tibood i yesuru Taama Maaron ezazi ila ndamozi. *

² Malau mako ve naloon eval tiina alinazi sambam ve izilam. Luutu tiina kat imin yaa katini tiyatyat tizizi, ma lalaav lutluutu. Ve naloon gabua luutu poia kat imin tamtamon tirav gita ma vene. ³ Eval tiina tawe timbou mbou paaghu igharau Maaron niia to ghamuun pooz ila yes nginiina tamoot ee ve paan (24) tomania gabua

* **13:17:** Syg 14:9, 16:2, 19:20, 20:4 § **13:18:** Zeran ngara siriv matazi ingal tigde: 7, ene izaa to gabua tau poia kat ve iduduun mon. Tauvene 7, ene namba to Maaron. Ve 6, ene izaa to gabua tau izuari ghi kat ighe le imin Maaron tauu, eemon irao mako. Tauvene 666, ene izaa to yes tau tivelegh Maaron, ve tipait tauzi tigde le tigham Maaron niia. Muun ve ilam, daaba siriv to taan tigham ngar tauvene. Ve saawe to Yoan paam, kinik tiina to Rom igham ngar tauvene. Ngara siriv tigde namba 666 inarui kinik saghati ee to yes Roma, eeza Nero. Pasaa, yes Israela lezi eez to niniin leta tau tigheen ila tamtamon ezazi. Ve isaav ighe tanin leta to Nero eeza itaghon eez toozi, ene ivot imin 666. * **14:1:** Syg 7:3+

matazi yaryaare paan naghosi. Ene yes tamtamon ndinndin ndinndin (144,000) to taan tau Sipsip to Maaron ighol zi timin le, ve ipas zi tivot pa saghati tapiri. Ve yes mon ta irau tiwatagh mboun tawe, ve timbouia. *

⁴Ene yes tau tighurghur boog mako. Tingin tauzi poi. Tauvene tingalaan ila Maaron maata. *

Ve nugh sindei tau Sipsip to Maaron ighe ila pani, ene yes titaghoni mon. I ipas zi ila eval tiina to taan sosozi, ve ighol zi timin i le wa. Tauta yes timin aniin maata tau tighuru ila pa Maaron yesuru Sipsip tooni imin paitoon zi. *

⁵Ve saveen karom eta ivot ila avozi mako. Tauta lezi sosor eta ila Maaron maata mako. *

Anela tol

⁶Ra matag ila le naghita anela ee iroov ila sambam saamba. Vaaru poia tau igheen irau saawe, ene igheen tooni. I le uraat to ivotia saveen tawe pa tamtamon tisov tau tileep izi taan. Yes tinizi tomania alinjazi, gabuazi, ve nugh toozi, ene ite ite. *

⁷Anela tawe isaav toman alinja tiina ighe: “Saawe to gabizoon tamtamon ve ghuruun atuya pazi, tauta ivot wa. Tauvene aroi pa Maaron, ve apait eeza pa tapiri ve poia tooni. I ta ighur sambam,

* **14:3:** Mbo 149:1; Syg 5:9 * **14:4:** Saveen tau Yoan iboode na, isaav tauvene: Tamtamon 144,000 tau ziiri tane isavi zi na, tila to yes zilivaa gha yesja tighen mako. Zeran ngara katini tighen saveen tane, ene saveen palelaan tau injarui yes tau tileep soghan pa maaron karomja ve ngar sasaghati to taan, ve titaghon ngar ngalaanja mon ila Maaron maata. * **14:4:** 2Kor 11:2; Ep 5:27;

Yems 1:18 * **14:5:** Kol 3:9 * **14:6:** Mk 13:10

taan, te, ve yaa naol isov tau tivotvot ila taan loolo. Tauvene aput aghemim pani ve apakuru.” *

⁸ Malau mako ve aņela ite, aana itaghoni ilam, ve isaav ighe: “Nugh tiina Babilon itap gha isaghat wa! Onoon kat, itap le isaghat kat! Nugh tau ighegherev tamtamon pa ņgar tooni sasaghati, ve ikaukau ņgar toozi imin ipaghun zi pa yaa ariaaņa, tauta aazne izi imin kaut sorok.” *

⁹ Aņela tawe ilam ila, ra ite imin tol, aana itaghton yesuru ilam, ve isaav aliija tiina ighe: “Isaav ighe tamtamon eta iput aaghe pa gabua saghati, ma gabua tawe anunu, ve ipaiti, ve igham ilaal tooni ila ndaamo ma niima, ¹⁰ i aat ighun ila rubruub tau ivon kat pa aatyavyav to Maaron. Aatyavyav tawe, ene imin vaen tau ariaaņa kat. Irau Maaron izoola pa yaa ite paam to irav matin tapiri ne mako. Tauvene tamtamon tana, aat tighur yavyavuun tiina pani, ve yav tomania maet salfa tuntunu tau vaazi saghati na ighani ila Sipsip to Maaron tomania aņela patabuyaanya naghosi.” *

¹¹ Zeran tauvene, yav tau ighan zi na, mbuasa pale imbuņ tauvene taghon taghon gha ila. Irau isov mako. Tauvene yes tau tiput aghezi pa gabua saghati, ma gabua tawe anunu, tomania yes tau tigham ilaal tooni na, yav pale ighan zi tauvene irau mboņ ve mataaz taghon taghon gha ila. Irau timariau pa yavyavuun mako.” *

¹² Tauvene Maaron tamtamon tooni patabuyaanya aat tiyooz ariaaņ pa badooņ pataņani. Ene yes tau

* **14:7:** Syg 15:4 * **14:8:** Is 21:9; Yer 51:8; Syg 17:1+ * **14:10:**
Mbo 11:6, 75:8; Is 51:17; Syg 13:16+ * **14:11:** Jud 1:7

titaghon tutuun to Maaron, ve tighur ila to Yesu ariaan.”

¹³ Anjela tawe isavsaav le isov, ra naloon saveen sambam ve izilam ighe: “Ubood saveen tauvene: Aazne ve ila, yes tau tileep tunja ila to Tiina toit Yesu le irau mateegh toozi, ene pale poia to Maaron izaa toozi, ve tintinzi.”

Maaron Avuvu paam isavia saveen eemon ighe: “Onoon kat, yes pale timariau pa uraat ve patajani toozi. Ve ngar popoia tau tighamgham zi na, pale igheen tomani zi ve tila.” *

Saawe to lupuun aniiñ matuugha to Maaron

¹⁴ Ra matag ila le naghita taitai pisosoonja, ve neer ee mboole izala paavo. Neer tawe, naagho imin Tamtamon Naatu, ve moghar ndamoonda to kinik igheen ila daaba. Moghar tawe, tigharaata pa gol. Ve i ikis mbuzaagh kooka ee tau maata kat.
*

¹⁵ Ra anjela ite ivot pa Rumei Tiina ta sambam we, ve iboob pa neer tau ileep izala taitai paavo na ighe: “Saawe to lupuun aniiñ, ighe ivot tane. Pasaa, aniiñ wit tsio tau titum izi taan na, timatuugh wa. Tauvene ugham mbuzaagh tsio kooka tana, ve urav zi tizi.” *

¹⁶ Tauvene neer tau mboole izala taitai na, isik mbuzaagh tooni, ve irav wit tisoov tau titum izi taan na, lesu tiyau zi ve tilup zi ila ruum to aniiñ.
†

* **14:13:** 2Tes 1:7; Hib 4:10 * **14:14:** Ezek 1:26; Dan 7:13; Mk 13:26+ * **14:15:** Mk 4:29 † **14:16:** Saveen ziiri tane aat isavia saawe tau Krisi imuul ilam ve iyau tamtamon tooni.

Aatyavyav to Maaron iza a to tamtamon

¹⁷ Malau mako ve aņela ite, aana ivot pa Rumei Tiina ta sambam we. I paam, ikis mbuzaagh kooka tau maata kat. ¹⁸ Ra aņela ite paam tau ingin yav to artaal na, ipul artaal ve ivot, ve iboob pa iitete tau ikis mbuzaagh kooka na ighe: “Vaen to taan tisov tibulbuul wa. Ugham mbuzaagh tsio tana ula urav motin zi, ve ulup zi.” ¹⁹⁻²⁰ Tauvene aņela tawe isik mbuzaagh tooni, ve irav motin vaen tau tigheen izi taan ne anoņazi tisov tizi. Ra iyauur zi gha ilup zi, ve igham zi ila gha isuruuv zi ila Maaron nugh tooni to pisoon vaen tau igheen nugh tiina ziige na. Pasaa, saawe to aatyavyav to Maaron iza a toozi, tauta ivot wa. Tauvene tivaghaaz vaen anoņa tawe izi nugh to pisoon vaen le suuru tiina kat ivot. Ve ipot iza a le raraate pa hos aaze. Ve ireer ila nugh malau irau 300 kilomita ma vene. Vaen suuru tawe, ene sinj to tamtamon tau imaliņ. *

15

Aņela liim ve ru tikis pataņani liim ve ru

¹ Ra matag ila le naghita gabua tiina ite ivot izi sambam imin ilaal. Ilaal tawe, ite kat. Nagham ŋgar pani le ŋgar tsiau imbool. Naghita aņela liim ve ru tikis pataņani liim ve ru tau sasaghatizi kat. Patanaņani tawe pale tivot murei geeg to tipasov aatyavyav to Maaron. *

Tamtamon to Maaron tipait eeza ila mbouņ

* **14:19-20:** Syg 19:15 * **15:1:** Syg 11:18

² Ve naghita gabua ite. Tigharaata pa galas tomania yav. Gabua tawe, ghitoonja imin te, ve Maaron tamtamon tooni tiyooz ila ziige. Ene yes tau tiyooz ariaan, ve tiliiv gabua saghati tomania anunu, ve ilaal to eeza. Yes tiput aghezi pani mako, ve tigham ilaal to eeza mako. Yes tikis gita tau Maaron igham pazi na, ve tipait Maaron eeza.
*

³ Yes timbou mbouj to Mose, i besoonja to Maaron. Mbouj tawe injarui Sipsip to Maaron paam. *
Timbou tauvene:

“O Maaron, Tiina tsiei, yo saksakim ve unjin gabua naol isov. Uraat tau yo ughamgham zi, ene tintiina kat. Nigham ngar pazi le nirao mako.

Yo kinik tiina kat tau unjin nughmarinj. Ve ngar tsio, ene iduduun ve onoon mon. *

⁴ Tiina tsiei, yo mon ta patabuyaaj. Tauvene tamtamon tison aat tiroi payo ve titaghon ngar tsio, ve tipait ezam pa tapirim ve poia tsio.

Nughmarinj pale tison tilam tiput aghezi payo, ve tipait ghom. Pasaa, ngar tsio tau ughurghur dudunai atuya pa tamtamon, tauta utotoia ivot ighazoon wa.” *

Oon liim ve ru tau tivon pa aatyavyav to Maaron

* **15:2:** Syg 4:6, 12:11, 13:15+ * **15:3:** Muun, yes Israela tiyooz ila Te Sinsinai ziige, ve tipait Maaron eeza ila mbouj pa uleerj tooni. Tamtamon tau saveerj ziiri tane isavi zi na tauvene paam. Tipait Maaron eeza ila mbouj. Pasaa, Sipsip to Maaron igham mulin zi, ve ighur atuya pa koiazna. * **15:3:** Igham 15:1+; Lo 32:4+; Mbo 111:2 * **15:4:** Mbo 86:9

⁵ Murei ra, matag ila le naghita balbaal patabuyaaj tau imin rumei izi sambam na. Loolo tau patabuyaaj kat na atamana ikaak. Ene loolo tau saveej mbuaaj to Maaron tomania tutuuj tooni igheen ila. *

⁶ Añela liim ve ru tau naghit zi imin maata na, tileep balbaal tawe loolo ve tivot. Yes tikis patañani liim ve ru tau sasaghati kat na le irau zi. Añela tana nonoghiija toozi ingalaaj ve milmilia kat. Ve gabua milmilia tau tigharaat zi pa gol na igheen livutin gargarizi. ⁷ Ra gabua matazi yaryaare paaj, toozi ee irei oon geegeu liim ve ru le irau zi. Oon liim ve ru tawe, tigharaat zi pa gol, ve tivon kat pa aatyavyav to Maaron tau ileep irau saawe. ⁸ Ve Maaron mbonari ve tapiri tomania mbuasa ivot le ipavon Rumei Tiina tau iyooz izi sambam na loolo. Tauta eta irau ilonj ila mako. Yes aat tileep ve tisañan le añela liim ve ru tana tipasov uraat toozi to ghuruuj patañani pa tamtamon le isov, o tilonj tila. *

16

Tamtamon tiyamaan katin aatyavyav to Maaron

¹ Ra naloon saveej luutu tiina ivot ila rumei loolo ta sambam we, ve ilam pa añela liim ve ru tana ighe: “Aatyavyav to Maaron tau igheen ila oon tsiam lolozi na, ala aliñi izila pa taan.”

² Ra añela tau imin maata na, igham oon tooni, ve imuuj ila ilin aatyavyav to Maaron izila pa taan. Tauvene yes tau tigham ilaal to gabua

* 15:5: Syg 11:19 * 15:8: Igham 40:34

saghati ve tipait gabua tawe anunu na, mbotmboot igham zi. Mbotmboot tawe poia mako. Sasaghati, ve yavyavuunja tiina kat. *

³ Mako anjela ite imin ru, aana igham oon tooni, ve ila ilinj aatyavyav to Maaron izila pa te, le te itoora imin sinj to yes mateegha. Tauvene gabua naol isov tau tileep ila te loolo na, timatmaat le tisov. Eta ileep muul mako. *

⁴ Mako anjela ite imin tol, aana igham oon tooni, ve ila ilinj aatyavyav to Maaron izila pa yaa, le yaa tisov timin sinj paam. Yaa tau tirereer, ve yaa tau tivotvot ila taan puura na paam. ⁵ Ve naloonj anjela tau injin yaa na, isaav pa Maaron igha:

“Yo uleep muunj geeg, ve aazne paam. Ve yo patabuyaanj kat.

Ngar tau yo ughamu to uyat ngar sasaghati to tamtamon, ene iduduunj mon. *

⁶ Pasaa, yes tiliinj sinj pa tamtamon tsio patabuyaanja, ve yes propet. Tauta anam ugham zi tighun sinj. Atuya toozi tawe, ene iduduunj kat pa ngar tau yes tighamu na.” *

⁷ Ve naloonj saveenj ivot pa artaal ve ilam igha: “Onoon kat. Maaron, Tiina tsiei, yo saksakim ve unjin gabua naol isov. Gabizoonj tsio ve atuya tau ughuru pa tamtamon, ene iduduunj ve onoon mon.”

⁸ Mako anjela ite imin paanj, aana igham oon tooni, ve ila ilinj aatyavyav to Maaron injarui aaz.

* **16:2:** Igham 9:9+; Syg 13:12+ * **16:3:** Syg 8:8+ * **16:5:** Mbo 119:137 * **16:6:** Mt 23:34+; Syg 11:18

Tauvene aaz ighaaz kat, ve isalaam tamtamon imin yav. *

⁹ Aaz ighaaz katin zi le tinizi ipopop. Eemon lolozi pa toraan n̄gar toozi mako ve tipait Maaron eeza mako. Tiburig ve tisik saveen̄ sasaghati naol pani. Pasaa, yes tiwatagh: I ta in̄gin patañani tawe.

¹⁰ Mako añela ite imin liim, aana igham oon tooni, ve ila ilin̄ aatyavyav to Maaron izila pa gabua saghati niia to ghamuun̄ pooz. Tauvene yes tau tileep ila i saamba na, ndoroom tiina ikau zi. Ve yavyavuun̄ tiina igham tamtamon le livozi kikia. *

¹¹ Tauvene tisik saveen̄ sasaghati naol pa Maaron to sambam. Pasaa, yavyavuun̄ tiina ve mbotmboot sasaghati igham zi. Eemon titoor lolozi ve tipul n̄gar toozi sasaghati mako. *

¹² Mako añela ite imin liim ve ee, aana igham oon tooni, ve ila ilin̄ aatyavyav to Maaron ila pa yaa tiina Euprates, le imaaak ve imamaas. Leso igharaat eez pa yes kinik to aaz puughu tilam. *

¹³ Ve naghita avuvu sasaghati tol. Ghiton̄azi imin gob. Ee ivot ila moot aavo, ite ivot ila gabua saghati aavo, ve ite imin tol pani, ene ivot ila propet karom tau igham gabua saghati naagho na aavo. *

¹⁴ Avuvu sasaghati tawe pale tigham gabua n̄geretazi tintiina ivotvot imin ilaal pa tamtamon. Isaav ighe saawe tiina to Maaron saksaki igabiiz tamtamon ve ighur atuya pazi ilam igharau, ene pale tila tipazaagh yes kinik irau taan isov, lesa

* **16:8:** Syg 8:12 * **16:10:** Igham 10:21+; Syg 9:2 * **16:11:**

Syg 9:20+ * **16:12:** Syg 9:14 * **16:13:** 1Yo 4:1+; Syg 12:3, 13:1,

tiyau zaaba toozi tilam, ve tipaburigin malmal pa Maaron. *

¹⁵ [Ve matamim ingal Krisi aliinja tau isaav ighe:] “Aloon. Yau aat nalam napateen gham imin neer to umbuun. Tauvene tamtamon tau ighe igharaat ghi pataghaan, ve imamaat ariiaan le nalam, ene aat tintini pa poia to Maaron tau pale izaan tooni. Eemon isaav ighe tamtamon eta igharaat ghi mako, ene pale ivaghamgham, ve maaya imin neer tau kambaŋmbaŋi.” *

¹⁶ Tauvene avuvu sasaghati tawe tila tiyau yes kinik tomania zaaba toozi ve tilup zi izi nugh tau tiwaat eeza ila saveen Hibu tige Armagedon. Leso tigham malmal izi ta sewe. *

¹⁷ Mako anjela ite imin liim ve ru, aana ila ilin aatyavyav to Maaron izila pa sambam saamba. Ve saveen ivot toman luutu tiina ila Maaron niia to ghamuun pooz ta Rumei Tiina loolo we. Isaav ighe: “Tauta ene. Isov wa!” ¹⁸ Ra nugh ighani milia, lalaav pelia, ve luutu gurunjurunja, ve yogyoog itok. Yogyoog tawe, tiina le tiina kat. Saawe tau Maaron ighur tamtamon tivot izi taan ve ilam, yogyoog tiina eta tauvene itok taan pai eta soone. ¹⁹ Yogyoog tawe igham taan to nugh tiina Babilon ivavaal le imin sirivu tol. Ve nugh tintiina to taan tisov tauvene paam, tisaghat ve timbiriis. Tauvene Maaron loolo iveegh pa nugh tiina Babilon

* **16:14:** Mbo 2:2+; Mt 24:24; 2Tes 2:9; Syg 17:14 * **16:15:** Mt 24:42+; 1Tes 5:2+; 2Pe 3:10 * **16:16:** Sek 12:11; Syg 19:19

*

sosor tooni mako. Maata ingalngali, tauta ipaghunu pa vaen ariaanja kat. Vaen tawe, ene aatyavyav tooni tau tiina le tiina kat. *

²⁰ Saawe tana, sisi tisov tilalez. Ve loloz paam, eta igheen muul mako. *

²¹ Ve ais paatu paatu titaptap sambam tizizi, ve tiravrav tamtamon. Ais paatu paatu tawe, geegeu mako. Patanjani to paatu enjaena, ene irau 50 kilogram ma vene. Tauvene tamtamon tisik saveen sasaghati naol pa Maaron. Pasaa, patanjani tawe, tiina le tiina kat. *

17

Livaa to eez tau ighegherev tamtamon pa ghamuuj ngar sasaghati

¹ Ra yes anela liim ve ru tau tikis oon liim ve ru na, toozi ee ilam ve isaav payau ighe: “Ulam ve natotoi ghom pa atuya tau pale inarui livaa to eez tau mboole izala yaa tintiina naol pavozi na. *

* **16:19:** Babilon, ene iza to nugh tiina Rom, tomania ngar naol to taan tau ighegherev tamtamon gha tighur murizi pa Maaron. Yoan loolo pa watoon Rom eeza duduun mako, tauta iwaato ighe Babilon. * **16:19:** Syt 11:13, 14:8, 18:2+ * **16:20:** Syt 6:14 * **16:21:** Igham 9:23+; Syt 11:19 * **17:1:** Livaa to eez ve nugh tiina Babilon, ene saveen palelaan ru tau iza to nugh tiina Rom, tomania ngar maata maata to taan tau ighegherev tamtamon gha tighurhur murizi pa Maaron. Yaa naol tane, ene iza to nughmarinj to taan. Livaa tane mboole izala pavozi pasaa, i ta ingin zi. Nugh Babilon duduun, le yaa katini tau tireer ila nugh loolo. Saveen tane, puughu tauvene: Ngar to Babilon (o ngar sasaghati to taan) ighamgham pooz pa nughmarinj.

Livaa tawe, i eeza tiina kat. *

² I ta ighegherev yes kinik to taan, ve yesņa tighurghur boog. †

Ve yes kinik mon mako. I ikau ŋgar to eval tiina tau tileep izi taan, ve titaghoni pa ŋgar tooni saghati le imin ta tighun vaen ariiaanņa gha ŋgar toozi ivaghamgham.” *

³ Ra Avuvu Patabuyaan tapiri izaas tšiau, ve anela tawe igham ghau nala navot nugh ŋginaanņa. Navot ta sewe, le naghita livaa ee ilepleep. Mboole izala gabua saghati ee paavo. Gabua tawe, tiini siŋsiŋjai kat ve bodeeŋ naol irau tiini isov. Bodeeŋ tawe, ene imin eeza. Eeza naol tawe, pughuzi eemon. Pughuzi tauvene: I ivelegh Maaron ve ipait tauu eeza ighe i Maaron. Gabua tana, daaba liim ve ru, ve zoonņa sanjavul. *

⁴ Livaa tawe inonogh ghi pa nonoghiinņa poia kat tau ŋgereeta aindan ve siŋsiŋjai. Ve itiik tauu pa gabua popoiazi naol imin gol, maet milmilia siriv ve ŋgool maata. I ikis rubruub ee tau tigharaata pa gol. Rubruub tawe, ivon pa ŋgar sasaghati naol, ve ŋgar to ghuruun boog tau livaa tana ighamghamu. Ŋgar tauvene inġalaan ila Maaron maata mako. Saghati kat. ⁵ Ve tibood livaa tana eeza ila ndaamo. Eeza tawe, saveeŋ palelaan. Isaav tauvene:

“Ene nugh tiina Babilon. Zilivaa to eez, tomania tamtamon tisov tau tighamgham ŋgar sasaghati

* **17:1:** Yer 51:12+; Syg 18:1+ † **17:2:** Ghuruun boog tane izaas to ŋgar tau taghur loloon pa gabua to taan, ma maaron karom eta, ve taghur muriin pa Maaron tauu. * **17:2:** Yer 51:7; Syg 14:8, 18:3 * **17:3:** Syg 13:1-8

kat izi taan, i ta imin tinazi. Pasaa, i ta ipapazaagh zi pa ghamuun ngar tauvene.” *

⁶ Yau naghita livaa tana ighun le ngar tooni ivaghamgham. Pasaa, Maaron tamtamon tooni patabuyaana tau tipariaan Yesu saveen tooni na, i ikaria ghunuun sin toozi. I ta ipapazaagh tamtamon pa ravuun zi timatmaat. Yau naghita, le naghham ngar naol ve ngar tsiau imbool. *

⁷ Tauvene anela tana ighason ghau ighe: “Pu-ughu mindai ta yo ugham ngar naol? Gabua saghati tau daaba liim ve ru ve zoonja sanjavul, tomania livaa tau ileep izala gabua tawe paavo ne, ene ngara yongaanja. Eemon yau aat napaghazonjai ghom pani. ⁸ Gabua saghati tau yo ughita na, muun i ileep. Ve aazne, ileep mako. Eemon malau mako pale izaa muul pa puura tau le puughu mako na. Ve ileep rig, o Maaron ivaghamunia gha ilale. Muun geeg, saawe tau Maaron ighur sambam ve taan soone, tibood tamtamon tooni ezazi ila rau to lepooch maata yaryaare wa. Tamtamon tisov tau ezazi igheen ila rau tawe mako na, yes pale tighita gabua saghati ve tirur pani. Pasaa, muun, i ileep. Ve aazne ileep mako. Eemon murei pale ivot muul. *

⁹ “Tamtamon tau le ngar, i aat ighazoon pa gabua tane puughu. Gabua saghati tau daaba liim ve ru, ene izaa to loloz liim ve ru tau livaa tana ileep izala na. †

Ve izaa to kinik liim ve ru paam. ¹⁰ Toozi liim, uraat toozi isov gha tizi wa. Ve ite imin liim ve

* **17:5:** Syg 14:8 * **17:6:** Syg 6:9, 12:11, 16:6 * **17:8:** Dan 12:1; Syg 13:1+ † **17:9:** Nugh tiina Rom igheen izala nugh mbua liim ve ru.

ee, tauta aazne ilepleep ve ighamgham pooz. Ve ite imin liim ve ru, i ivot soone. Eemon saawe tau ighe ivot, i aat ileep malau rig. ¹¹ Gabua saghati tau muun ileep ve aazne ileep mako na, ene kinik tau imin liim ve tol pani. Yesna kinik liim ve ru tawe, ngar toozi raraate. I aat ileep rig, o Maaron ivaghamunia gha ilale kat.

¹² “Ve zoonja sanjavul tau ughit zi na, ene iza to kinik sanjavul. Eemon saawe toozi to ghamuun pooz, ene soone. Pale tisanjan le saawe to yesna gabua saghati tawe tigham tapirizi, o tilup zi, ve tingin taan pa sooso rigmon. *

¹³ Kinik sanjavul tawe, ngar toozi eemon. Ve yes pale tighur tapirizi tomania gabua tisov tau tingin zi na ila to gabua saghati tana, lesu tipaloti. ¹⁴ Ve yesna gabua saghati pale tilup zi ve tiparav tomania Sipsip to Maaron ve tamtamon tooni. Eemon pale tirao mako. Sipsip to Maaron pale iliiv zi. Pasaa, i tiina iliiv zimaronja tisov. Ve i kinik tiina tau iliiv kinik tisov. Tamtamon tooni, ene yes tau i tauu isiigh zi, ve ipoi zi timin i le, ve tikis ghuruun ila toozi ariaan.” *

¹⁵ Ra anela tana isaav payau muul ighe:

“Yaa naol tau ughita livaa to eez mboole izala pavozi na, ene iza to nugh marij to taan tau tinizi, tomania gabuazi, ve alinjazi ite ite. ¹⁶ Gabua saghati zoonja sanjavul tau ughit zi na, ene iza to kinik sanjavul. Murei pale yesna gabua tawe titor ngar toozi, ve tighur koi pa livaa to eez tawe, ve tivaghamunia kat. Pale tirangat nonoghiija tooni

* **17:12:** Dan 7:24 * **17:14:** 1Tim 6:15; Syg 16:14, 19:19

le kambaŋmbaŋi, ve tighan miiza, mako tisiki izala yav ighani gha ilale. *

¹⁷ Pasaa, Maaron ighur ŋgar igheen ila kinik saŋavul tawe lolozi wa ighe tilup ŋgar toozi imin eemon, ve tipuliir gabua tau tiŋginŋgin zi na ila gabua saghati niima. Leso iŋgin zi le irau Maaron saveeŋ tooni ighur anooŋa. Tauvene ŋgar tane pale ivot itaghon Maaron tauu ŋgar tooni.

¹⁸ “Livaa tau yo ughita na, ene izaa to nugh tiina tau ighamgham pooz pa kinik tisov to taan.”

18

Babilon itap izi imin kaut sorok

¹ Murei ra, matag ila le naghita aŋela ee ipul sambam ve izilam. I tapiri tiina kat, ve mbonari isul taan le ighazooŋ kat. *

² I iboob aliŋa tiina kat ighe:

“Nugh tiina Babilon isaghat wa! Itap le isaghat kat! Aazne, nugh balim kat. Tamtamon eta ileep muul mako.

Gabua naol tau tiŋgalaan ila Maaron maata mako na, tighamu imin lezi niazi to lepooogh. Avuvu sasaghati, man sasaghati, ve gabua sasaghati naol tau loloon pa ghitoon zi mako na, tilup zi ta sewe. *

³ Pasaa, nugh tawe ta ighegherev nughmarin pa ghamuun ŋgar saghati ve yesŋa tighurghur boog. Ve ipaghun zi pa vaen tooni ariaaŋa

* **17:16:** Ezek 16:37+; Syg 18:8 * **18:1:** Syg 10:1 * **18:2:** Is 13:19, 21:9; Yer 50:39+

kat le n̄gar toozi ivaghamgham. Yes kinik to taan paam. Yes̄na tighurghur boog.

I ighe igham le taan pabodeēna naol, ve ileep poia le poia kat. Tauta zeran to raukoliin̄ tilala tooni, ve tigholia gabua toozi ila tooni, ve timin kuaz tauu.” *

⁴ Ve naloon̄ saveēn̄ ite sambam ve izilam ighe:

“Tamtamon tsiau, apul nugh tana ve aghawaar. Mako pale iyes gham pa n̄gar tooni saghati, ve patān̄ani tau pale izaa tooni na izaa tsiam paam. *

⁵ Pasaa, sosor tooni ivandou ghi izala izala le ikis sambam saamba. N̄gar tooni sasaghati naol isov tawe, Maaron maata kisin zi. *

⁶ N̄gar saghati tau i ighamghamu na, apamuule ila pani. Ve atuya tau aghe agham pani na, aghur ite paam izala paavo ve agham pani! Muun̄, i itoor yaa ariaāna pa tamtamon ve ipaghun zi. Tauvene aazne, yam aat atoor yaa ariaāna kat ve alīni ila i tauu rubruub tooni le ivon kat. Leso ighunu le isoon̄ katini. *

⁷ Muun̄, i ipakur ghi kat, ve igham le taan pabodeēna naol, ve lepoogh tooni poia le poia kat. Tauvene i aat iyamaan yavyavuun̄ tiina ve itān̄, lesān̄ iyat n̄gar tooni tawe.

* **18:3:** Syg 14:8, 17:2 * **18:4:** Gnp 19:12+; Yer 51:6; 2Kor 6:17

* **18:5:** Gnp 18:20+; Yona 1:2 * **18:6:** Mbo 137:8; Yer 50:29

Pasaa, i igham tiini ighe: ‘Yau garwaat tinazi. Nambool pa gabua eta mako. Yau aat naleep ila niag to ghamuun pooz, ve lepooogh tsiau poia mon taghon taghon gha ila. Yau naar gha lesa natan? Mako. Patanani eta irau ivot payau mako.’ *

⁸ Patanani naol tau Maaron pale ighuru pani, ene pale tisov tivot pani pa aaz eemon. Saawe tana, tanjiz, pitool, ve moroghoon tomania mateegh pale tivot pani. Ve yav aat ighani le imin avav.

Pasaa, Tiina toit Maaron tau pale ighur atuya pani, i saksaki ve tapiri tiina kat.” *

⁹ Yes kinik to taan tau muun yesja livaa tana tighur boog ve tigham lepooogh poia kat ila tooni na, isaav ighe tighita yav ighani gha mbuasa imbun, ene pale lolozi isaghat kat ve titan tiina pani.
*

¹⁰ Tighita yavyavuun tiina ighamu le roin tiina igham zi. Tauta tileep soghan ve tinuzuuva tige:

“Oyai, ukaria taum wa! Aa nugh tiina, ukaria taum wa!

Babilon, yo ezam ve tapirim tiina. Eemon aazne, ugham atuya tsio, ve rekia mon saghatiin tiina igham ghom gha umbiriis.”
*

¹¹ Ve zeran to raukoliin irau taan isov pale lolozi ipatanan ve tipanin pani. Pasaa, lezi tamtamon eta to ighol gabua toozi muul mako. *

* **18:7:** Is 47:7+ * **18:8:** Yer 50:34 * **18:9:** Yer 50:46; Ezek 26:16+
* **18:10:** Is 21:9 * **18:11:** Ezek 27:28-36

¹² Muuṅ, yes tigholia gabua maata maata ila tooni: Gol, silva, ṅgool maata, ve maet milmiliala siriv tau popoiazi ve atuyazi tintiina. Ve uuli popoiazi tau ṅgeretazi pisosooṅa, aindan, ma siṅsiṅai, ve ai siriv tau vazizi popoia tomania gabua popoia naol tau tigharaat zi pa elepan zoonṅa, ve ai popoia tau atuyazi tintiina, ain, baras, ve maet siriv paam tau ṅgeretazi popoia. ¹³ Ve gabua maata maata siriv tau vazizi popoia ve atuyazi tintiina. Ve vaen, ṅgoreenṅ, aniiṅ, makau, sipsip, ve hos tomania karis. Ve tigholia tamtamon paam gha timin besoonṅa sorok. Gabua naol tane, irau tiraukol pazi ta sewe muul mako. ¹⁴ Ve yes pale tisaav pa nugh tiina Babilon tighe:

“Gabua naol isov tau lolom ighaar pa ghamuuṅ zi na, eta igharau ghom muul mako. Kuaz tsio tisov tau popoiazi kat ve ughamgham ezam pani na, tisov tilalez wa. Irau ughit zi muul mako.”

¹⁵ Zeran to raukoliinṅ tau muuṅ tigholia gabua toozi izi nugh Babilon ve timin kuaz tauu na, pale tiroi pa yavyavuunṅ tiina tau ighamu na. Tauvene yes pale tileep soghan pani, ve tipanin pani tighe:

¹⁶ “Oyai, ukaria taum wa! Aa nugh tiina, ukaria taum gha usaghat kat!

Muuṅ, yo unonogh ghom pa nonoghiinṅa popoiazi kat tau ṅgeretazi pisosooṅa, aindan, ve siṅsiṅai. Ve utiik taum pa gabua maata maata tau tigharaat zi pa gol, ṅgool maata, ve maet popoia siriv tau atuyazi tintiina.

¹⁷ Eemon saawe tuuku tane, kuaz tsio tawe tisov tisaghat gha tilalez.”

Ve yes daaba to waan tomania uraata toozi, ve yes tau tizaa waan tomani zi na, ve tamtamon tisov tau tiravraav pa raukoliin na paam, pale tisov tiyooz soghan. ¹⁸ Ve matazi ila pa mbuas tau izazaa pa nugh tiina Babilon na, ve tipasawal pani tigde: “Oyai, saa nugh tiina ite paam ta irau Babilon?” ¹⁹ Tauvene loloji ipatajan, titañ tiina ve timon pani. Ve tinuzuuva tigde:

“Oyai, ukaria taum wa! A nugh tiina, ukaria taum gha usaghat kat!

Aazne, paita umbiriis gha ulalem. Pale nigham mindai?

Kuaz tsio mon, tauta yei tau lemai waan ne, nisov nimin kuaz tauña.”

²⁰ “Tauvene yam to nugh sambam, yam mbañooña to Krisi, yam propet, ve yam tamtamon patabuyaaña to Maaron, lolomim poia ve tintinmim! Pa aazne, Maaron igabiiz nugh tiina Babilon, ve ighur atuya pani to iyat sosor tau i igham payam na.”

²¹ Ra naghita anela ee tau tapiri tiina, igham maet tiina ee, ve isiki izila pa te, ve isaav ighe:

“Ngar raraate tauvene pale ivot pa nugh tiina Babilon. Pale tireua ilale. Irau tighita muul mako.

²² Tauvene tamtamon eta pale ileep izi nugh Babilon ve iloon mboun, gita, tavuur, pirai, ma gabua ite paam luutu ta sewe muul mako. *

* **18:22:** Yer 25:10

Ve zeran tau tighagharaat gabua maata
maata na paam, eta pale ileep ta sewe
muul mako.

Ve maet tintiina to mumuun wit imin palawa
paam, irau taloon lutuzi ila nugh loolo
muul mako.

²³ Ve lam eta irau mbonari isul nugh loolo muul
mako.

Ve oroor to vaivainja paghpaaghu irau ivot ila
nugh loolo muul mako.

Zeran tsio to raukoliinj, tirao kat. Tiliiv tamta-
mon tisov to taan.

Ve mur tsio, ene ikau nughmarij ngar toozi le
tisosor pa eez to Maaron.

²⁴ Yo ulinjij sij pa tamtamon patabuyaanja to
Maaron ve yes propet tooni tomania eval
tiina to taan. Tauta lem sosor tiina kat ila
Maaron maata.” *

19

Tipakur Maaron izi nugh sambam

¹ Murei ra, naloon oroor tiina ivot izi nugh
sambam imin eval tiina timbou. Tighe:

“Aleluia, tapait Tiina toit Maaron! I igham
mulin ghiit gha taleep poia wa. I eeza tiina.
Ve tapiri paam, tiina le tiina kat. *

² Isaav ighe i igabiiz tamtamon ve ighur atuya
pazi, gabizoon tooni ene iduduun ve onoon
mon.

* **18:24:** Mt 23:35+; Syg 17:6+ * **19:1:** Syg 7:10, 12

Livaa to eez tau eeza tiina na, i ighegherev tamtamon to taan pa n̄gar tooni sasaghati, ve yes̄na tighurghur boog. Tauta Maaron ighur atuya pani.

Muun, livaa tawe ilinlin̄ sin̄ pa yes besoon̄a to Maaron. Tauta aazne, Maaron iyat n̄gar tooni tawe.” *

³ Ra eval tiina tana tiboob muul tighe: “Aleluia! Yav tau ighan livaa saghati tawe, mbuasa pale izazaa tauvene taghon taghon gha ila.” *

⁴ Ra n̄giniin̄a tamoot ee ve paan̄ (24), tomania gabua matazi yaryaare paan̄, titap tizi, ve tipait Maaron tau ileep̄ ila niia to ghamuun̄ pooz na eeza tighe: “Aleluia! Onoon kat. Iit tapait Maaron eeza!”

⁵ Ra saveen̄ ivot ila Maaron niia to ghamuun̄ pooz ve ilam. Ighe: “Yam besoon̄a to Maaron tau aroi pani ve ataghon n̄gar tooni na, asov apakur Maaron toit eeza! Yam tau ezamim tintiina, ve yam tau lemim ezamim mako na paam.” *

⁶ Malau mako ve naloon̄ oroor tiina ivot izi sambam muul. Oroor tawe, luutu imin eval tiina tiboboob. Ve imin nugh tau yaa katini tiyatyaat tizizi pani, ve imin lalaav lutluutu tiina. Eval tiina tawe tisaav tighe:

“Aleluia! Iit tapait Tiina toit Maaron eeza. I saksaki, ve ighamgham pooz irau saawe. *

⁷ Iit tintiniin̄ ve loloon̄ poia, ve tapait eeza pa tapiri ve poia tooni. Pasaa, Sipsip to Maaron vain

* **19:2:** Syg 15:3, 16:7 * **19:3:** Syg 18:9, 18 * **19:5:** Mbo 22:23; Syg 11:18 * **19:6:** Mbo 93:1; Syg 11:17

tooni, tauta ighe ivot tane.
Livaa tau tisiigho pani na, i igharaat ghi wa. *

⁸ I inonogh ghi pa nonoghiinja pisisoonja tau Maaron tauu igham igham pani na. Nonoghiinja tawe, ingalaan ve milmilia kat.” (Nonoghiinja tana iza to ngar duduunja maata maata tau Maaron tamtamon tooni patabuyaanja tighamgham zi na.) *

⁹ Ra anjela isaav payau muul ighe: “Ubood saveen tauvene: ‘Yes tau tisain zi tilam pa Sipsip to Maaron vain tooni ve yesja tilup zi pa ghanghaniin na, ene pale tintinizi pa poia to Maaron tau iza toozi.’” Ve ipariaan saveen tooni ighe: “Saveen tane, ene saveen onoon to Maaron.” *

¹⁰ I isaav tauvene, ve natap nazi aaghe puughu naghe napakuru. Eemon i ingalsekin ghau ighe: “Wai, ugham vene sov! Yau besoonja to Maaron imin yo ve yes tonvetaz tsio tau yamja akis saveen onoon to Yesu ariaan, ve apariaan tamtamon to tighur ila tooni. Tauvene uput aghem ve upakur Maaron mon. Pa uraat tauu to yes propet, ene tauvene: Yes tipariaan tamtamon, leso tighur ila to Yesu.”

Malmal tiina to Mbonj Murei

¹¹ Ra matag ila le naghita sambam ikaak. Ve naghita hos pisisoonja ee. Neer ee ileep izala paavo. Neer tawe, tiwaato tigde: ‘Neer to ighamgham ngar onoon ve itaghon saveen mbuaan tooni.’ Isaav ighe i igabiiz tamtamon

* **19:7:** Mt 22:2; 2Kor 11:2; Ep 5:32; Syg 21:2, 9 * **19:8:** Is 61:10;

Syg 3:5 * **19:9:** Lu 14:15+

ve ighur atuya pazi, ma igham malmal, ene i itataghon ngar duduunja mon. *

¹²Maata imin yav yaama. Ve moghar ndamoonda katini to kinik tighenaar ila daaba. Ve tibood eeza ila tiini pataghaan wa. Eeza tawe, tamtamon ite paam iwatagh puughu mako. I tauu mon ta iwataghi. *

¹³Nonoghiinja tooni, sinj ikaria le isaghat. Tiwaat eeza tigde: ‘Neer tau ipaghazonjai ghiit pa saveen ve ngar to Maaron.’ *

¹⁴I imuun, ve zaaba katini to sambam titaghoni. Yes tileep izala hos pisosonjazi, ve nonoghiinja toozi pisosoonja ve ngalaanja kat. ¹⁵Neer tau imuun pazi na, mbuzaagh ee tau maata kat igheen ila aavo. Leso irav tamtamon to nugh nugh pani. Ve i aat ingin zi ve igham pooz pazi. Ve pooz tooni, ene ariaanja kat. Tauvene i aat ivaghaaz zi ila aaghe saamba, ve sinj toozi ireer imin vaen tau tivaghaaza gha suuru izi. Leso itotoi aatyavyav to Maaron saksaki tau ighamgham pooz pa gabua naol isov na. *

¹⁶Neer tana, tibood eeza ila nonoghiinja tooni ve ila ngoi paam tauvene: ‘Kinik Tau Iliiv Kinik Tisov,’ ve ‘Maaron Tiina Tau Iliiv Zimaronja Tisov.’ *

¹⁷Ra naghita anjela ee iyooz ila aaz loolo, ve iboob ila pa man tisov tau tirovroov ila taitai saamba na ighe: “Yam alam alup gham pa ghanghaniin tiina to Maaron!” *

* **19:11:** Mbo 45:3, 96:13; Syg 1:5, 6:2

1:14, 2:18 * **19:13:** Is 63:2+; Yo 1:1, 14

14:19+ * **19:16:** 1Tim 6:15; Syg 17:14

* **19:12:** Dan 10:6; Syg

* **19:15:** Syg 1:16, 12:5,

* **19:17:** Ezek 39:17+

¹⁸ Leso aghan tamtamon tisov to taan mizazi. Yes kinik, yes daaba to malmal, yes tau tapirizi tiina, hos tomania yes tau tilandoov zi na, yes besoonja, yes tau besoonja mako ve tinjin tauzi, yes tau ezazi tintiina, ve yes tau lezi ezazi mako na paam. Aghaniir zi tisov.”

¹⁹ Ra naghita gabua saghati ve yes kinik to taan tomania zaaba toozi tilam tilup zi tigde tigham malmal pa neer tau ileep izala hos pisosoonja paavo na, tomania zaaba tooni. *

²⁰ Eemon tapirizi irao mako. Gabua saghati tana, yesuru iitete tau propet karom na, neer tawe tomania zaaba tooni tigham zi, ve tisik zi matazi yaryaare ve tizila puura tiina tau ivon pa maet salfa ve yav tau ighanghan irau saawe. Propet karom tawe, muun igham gabua saghati naagho, ve ighamgham gabua ngeretazi ila tamtamon matazi. Tauta itombaan zi gha tigham ilaal to gabua saghati, ve tiput aghezi pa gabua tawe anunu. *

²¹ Gabua ru tawe zaaba toozi paam, neer tau ileep izala hos pisosoonja paavo na, irav zi pa mbuzaagh tau ighen ila aavo, le tisov timataar. Ra man tisov tiroov tila, ve timbutur izala pavozi, ve tighan tighan le apozi isun.

20

Ndaman ndinndin ndinndin ee (1,000)

* **19:19:** Mbo 2:2; Syg 16:14, 17:12+
13:13, 20:10

* **19:20:** Dan 7:11; Syg

¹ Murei ra, matag ila le naghita aņela ite ileep sambam ve izilam. I ikis ki to puura tau le puughu mako na, tomania sen tiina ee tau ariiaanĵa kat. *

²⁻³ I izila ve ikis moot tau ileep muuņ geeg ve ilam. Moot tawe, tiwaat eeza tighe: ‘Neer Saghati’ ve ‘Sadan.’ Aņela tawe ikauu pa sen le tuņĵa, ve isiki izila puura tau le puughu mako na, ve ipoon puura tawe aavo le tuņĵa kat. I pale ileep ta sewe irau ndaman ndiņndiņ ndiņndiņ ee (1,000). Leso itombaan tamtamon to nughmariņ muul sov le ndaman ndiņndiņ ndiņndiņ ee (1,000) tana isov. Mako tipool sen pani, ve tipuli ivot ilaagh rig. *

⁴ Ve naghita yes tau Maaron ighur zi pa uraat to gabizooņ na, mbolezi izi ila niazi to ghamuuņ pooz. Ve naghita Krisi tamtamon tooni tau tirav motin luazi na anunuzi paam. Zeran tawe tiput aghezi pa gabua saghati ma gabua tawe anunu mako, ve tigham ilaal tooni ila ndamozi ma ni-mazi mako. Yes titaghon Maaron aliņĵa, ve tipari-aanĵ tamtamon to tighur ila to Yesu. Yes tiburig pa mateegh imin maata, ve yesĵa Krisi tigham pooz pa ndaman ndiņndiņ ndiņndiņ ee (1,000) tana. *

⁵ Ene burigiņ to mateegha tau ivot imin maata. Ve mateegha siriv, yes aat tisaņan le ndaman ndiņndiņ ndiņndiņ ee (1,000) tana isov, o anazi tiburig. *

⁶ Yes tau tiburig pa mateegh imin maata na, ene Maaron tamtamon tooni patabuyaanĵa. Yes pale tintinizi pa poia to Maaron tau izaā toozi. Ve

* **20:1:** Syg 9:1 * **20:2-3:** Lu 10:18+; Yo 12:31; Syg 12:9 * **20:4:** Dan 7:27; 1Kor 6:2+; 2Tim 2:12; Syg 3:21, 5:10 * **20:5:** 1Tes 4:16

mateegh tau imin ru pani na, le tapiri eta to itatan zi mako. Ndaman ndiᅇndiᅇ ee (1,000) tana, yes aat timin zeran to watoonrau pa Maaron ve Krisi, ve yesᅇa Krisi pale tigham pooz. *

Neer Saghati ilale

⁷ Isaav ighe ndaman ndiᅇndiᅇ ndiᅇndiᅇ ee (1,000) tana isov, ene aat tikaak puura tau tisik Neer Saghati iloᅇ ila na, ve tipuli ivot. ⁸ Mako ila itombaan nugh mariᅇ to taan isov ve ilup zi. Leso tigham malmal pa Maaron tamtamon tooni imin Gog ve Magog. *

Maaron koiᅇa tawe, irau tanin zi mako. Yes eval kat imin sausau to nari. *

⁹ Yes pale tileep taan ziᅇge ta naol ne, ve tilam tivot nugh tau Maaron tamtamon tooni tileep pani na. Ve tilivutin zi tomania nugh tiina Yerusalem tau Maaron loolo pani kat na, leso tigham malmal pazi. Eemon yav to Maaron pale sambam izilam, ve ighaniir koiᅇa tana tisov tilalez. ¹⁰ Ve Neer Saghati tau itombaan zi tilam na, Maaron pale isiki izila puura tiina. Ene puura tau yav ighanghan ila, ve maet salfa tau vaazi saghati na izazaa pani. Nugh tawe, ta papazoge tisik gabua saghati yesuru iitete tau propet karom na tizila. Yes tol tawe pale tileep ta sewe, ve tigham yavyavuunᅇ tiina kat. Ve yavyavuunᅇ toozi irau isov ne mako. Pale igham zi mboᅇ ve mataaz, ve ighengheen tauvene taghon taghon gha ila. *

* **20:6:** Ro 5:17; 1Pe 2:5, 9; Syg 1:6, 2:11, 20:14 * **20:8:** Magog ve Gog, ene izaᅇ to yes nugh nugh tau tighur koi pa Maaron ve tamtamon tooni. Ughita Ezekiel 38:2, 8+. * **20:8:** Syg 16:14

* **20:10:** Mbo 11:6; Syg 14:10, 19:20

Maaron igabiiz tamtamon

¹¹ Ra matag ila le naghita Maaron ileep ila niia to ghamuunj pooz. Niia tawe, pisosoonja ve tiina kat. Ve taan tomania gabua naol isov to sambam saamba tigha tighau pa i maata. Eemon lezi nugh eta to tiyoonj pani mako. *

¹² Ve naghita mateegha tisov tiyooz ila Maaron niia to ghamuunj pooz naagho. Yes tau ezazi tintiina, ve yes tau lezi ezazi mako na paam. Mako tiraraav rau siriv. Rau tawe, tibodeer njar naol tau tamtamon tinghamham zi na, ila. Ve tiraraav rau ite. Ene to lepoogh maata yaryaare. Tauvene Maaron maata itaghon rau ru tawe, ve igabiiz zi itaghon njar toz toz. *

¹³ Saawe tana, te ipul yes mateegha tau tighen ila loolo na tila. Ve Mateegh tomania nugh to mateegha tauvene paam. Tipul mateegha tisov tila. Ra Maaron igabiiz tamtamon tisov itaghon njar toz toz. ¹⁴ Mako tisik Mateegh tomania nugh to mateegha tila puura tiina tau yav ighanghan ila. Leso tilalez. Yav tawe, ene mateegh imin ru. *

¹⁵ Tauvene sei tau ighe eeza igheen ila rau to lepoogh maata yaryaare mako, ene pale tisiki izila puura tiina tau yav ighanghan ila na. *

21

Sambam ve taan paghpaaghu

¹ Ra matag ila le naghita sambam paaghu ve taan paaghu. Pasaa, sambam ve taan tau tivot

* **20:11:** Mt 25:31+; 2Pe 3:7, 10+ * **20:12:** Dan 7:9+; Mt 16:27; Ro 2:6; 2Kor 5:10 * **20:14:** 1Kor 15:26, 54+; Syg 2:11 * **20:15:** Mt 13:40, 25:41

imin maata na, tilalez wa. Ve te tauvene paam, igheen muul mako. *

² Ve naghita nugh patabuyaaj to Maaron igheen tooni ta sambam we, ve izilam. Nugh tawe, ene Yerusalem paaghu. I igharaat ghi le paghuuna kat, imin livaa tau ighe ila pa vainj tamoot tau tisiigho pani na. *

³ Ra naloonj bobaaj tiina ivot ila Maaron niia to ghamuunj pooz ve ilam ighe: “Aghita. Maaron ighur niia to lepoogh igheen ila tamtamon sosozi wa. Aazne ve ila, i pale ileep tomani zi ve imin Maaron toozi. Ve yes timin i le kat, ve tivalupu zi timin eemon. *

⁴ I pale imus matazi suuru isov ilale. Ve mateegh, monjiin, tanjiiz, ma yavyavuunj irau tivot muul mako. Pasaa, lepoogh to muunj, ene isov wa.” *

⁵ Ve neer tau ilepleep ila niia to ghamuunj pooz na isaav ighe: “Uloonj. Yau naghham gabua ti-sov timin paaghu.” Ve isaav payau muul ighe: “Saveenj tsiau tane, ene onoon. Tamtamon irau tighur ila kat. Tauvene uboode.” *

⁶ Ve isaav muul ighe: “Tauta ene. Isov wa! Yau naleep munjaaj, ve naleep murei geeg. Yau namin puughu pa gabua naol isov, ve yau ta napasov zi. Isaav ighe tamtamon eta murunu, ene yau aat naghham le yaa maata yaryaare tau bolokbolokia na. Yaa tane, le atuya mako. Pale naghham pani sorok. *

* **21:1:** Is 65:17; 2Pe 3:13 * **21:2:** Is 61:10; Ga 4:26; Hib 12:22;

Syg 19:7 * **21:3:** Wkp 26:11+; Ezek 37:27; 2Kor 6:16; Syg 7:15+

* **21:4:** Is 25:8; 1Kor 15:26 * **21:5:** Is 43:19; 2Kor 5:17 * **21:6:**

Is 55:1; Yo 7:37; Syg 1:8, 16:17, 22:17

⁷ Tamtamon tau ighe iyooz ariaaŋ ve iliiv tovaan, i aat eeza pa ghamuun gabua popoia naol tau nasavi zi ne. Ve yau aat namin Maaron tooni, ve i imin natug. *

⁸ Eemon yes tau tiroi ve tipul ghuruun ila toozi, yes tau tighur ila mako, yes tau ngar toozi ingalaan ila Maaron maata mako, yes tau tirav tamtamon timaat, yes tau tighur boog, yes mura, yes tau tibesbees pa maaron karomŋa, ve tamtamon tisov tau avozi karom na, zeran tauvene niazi, ene puura tiina tau yav ighanghan ve maet salfa vaazi saghati izazaa na. Ene mateegh imin ru.” *

Yerusalem paaghu

⁹ Ra naghita anela ee ilam, ve isaav payau ighe: “Ulam ve ughita livaa tane. I ta pale ivai Sipsip to Maaron gha imin azaawa.” Muun, naghita anela liim ve ru tikis oon enaena le irau zi. Oon toozi tawe, tivon pa pataŋani liim ve ru to ipasov Maaron aatyavyav tooni. Anela tau isavsaav payau ne, i toozi ee. *

¹⁰ Rekia mon ve Maaron Avuvu tapiri izaa tsiau, ve anela tawe iit ghau nazala loloz tiina ee tau izala kat, ve itotoi nugh patabuyaan Yerusalem payau. Ene igheen to Maaron ta sambam we, ve izilam. *

¹¹ Maaron mbonari igham nugh tawe isul. Ghi-toonŋa ite kat, imin maet milmilia tau atuya tiina, ve imin maet yaspa tau ingalaan kat imin galas. *

* **21:7:** 2Kor 6:18; Hib 8:10 * **21:8:** 1Kor 6:9+; Ga 5:19+; Ep 5:5; Syg 20:15 * **21:9:** Ep 5:25+; 2Kor 11:2; Syg 19:7+ * **21:10:** Hib 12:22+; Syg 3:12 * **21:11:** Is 60:1+; Syg 22:5

¹² Ve didiin ariaaṅa ilivuti. Didiin tawe izala kat, ve le ataman tintiina irau saṅavul ve ru (12). Ataman tawe, aṅela saṅavul ve ru (12) tingin zi, ve tibood rumei saṅavul ve ru to Israela ezazi ila. *

¹³ Ataman tana, tol tigheen ila pa ragh, tol tigheen ila pa kaagu, tol tigheen ila pa daudau, ve tol tigheen ila pa yavaar. ¹⁴ Didiin to nugh tawe iyooz izala maet tintiina saṅavul ve ru (12) tau timin puughu pani. Maet tawe, tibood Sipsip to Maaron mbaṅooṅa tooni saṅavul ve ru ezazi ila. *

¹⁵ Aṅela tau isavsav payau na, i le ai milmiliala ee to tovaan gabua, leso itoov nugh tawe tomania didiin tau ilivuti na, ve atamana. ¹⁶ Aṅela itoov nugh tawe malaua tooni, le irau 12,000 stadia. *

Ve tuuku tooni tomania loolo saṅa ve izilam, ene raraate mon. ¹⁷ Ve itoov didiin le irau ṅgaari 144. Tovaan tane, ene aṅela itaghon tovaan to tamtamon. ¹⁸ Didiin tana, tigharaata pa maet yaspa. Ve nugh tiina, ene tigharaata pa gol tau milmiliala ve ṅgalaan kat imin galas. ¹⁹ Maet tintiina tau didiin ariaaṅa to nugh tawe iyooz izala pavozi na, tipabood zi pa maet popoiazi saṅavul ve ru tau

* **21:12:** Ezek 48:30+ * **21:14:** Ep 2:20 * **21:16:** 12,000 stadia, ene irau 2,200 kilomita ma vene. ṅgaari 144, ene irau roov 36 ma vene. Yes ṅgara siriv tighe 12,000 stadia tane, ene saveeṅ palelaan. Izaa to Maaron tamtamon tooni tisov. Yes eval le eval kat. Tanin zi, tarao mako. Tauvene nugh tau yes pale tileep pani na, ene tiina le tiina kat.

atuyazi tintiina ve ngeretazi ite ite. †

Maet tauvene: Yaspa, ene imin maata. Mako sapaia, aget, emeral, ²⁰ oniks, karnelian, krisolit, beril, topaz, krisopres, haiasin, ve amatis. *

²¹ Didiin atamana sanjavul ve ru, ene tigharaat zi pa gabua sanjavul ve ru imin ngool maata tau milmilia kat ve atuyazi tintiina. Ve eez tau itaghon nugh loolo, ene tigharaata pa gol tau poia kat ve ngalaanja imin galas.

²² Naghita rumei eta igheen ta sewe mako. Pasaa, Maaron tauu, ta saksaki ve ingin gabua naol isov na, yesuru Sipsip tooni tileep ta sewe. Tauvene yes tauzi ta timin rumei pa nugh tawe.

²³ Nugh tawe le uraat eta pa aaz ma kaiyo muul mako. Pasaa, Maaron tauu mbonari, tauta isul nugh ve ighamu ighazoon. Ve Sipsip to Maaron ta imin lam pani. *

²⁴ Nughmarin pale tilaagh ila ghazoonja to nugh tawe. Ve yes kinik to taan pale tilon tila toman paitoon toozi, ve tipakur Maaron. *

²⁵ Didiin ariaanja tau ilivut nugh na, atamana ti-voolool mako. Tikakaak irau saawe. Pasaa, nugh tawe, ndoroom mako. ²⁶ Nugh nugh pale tilon tila nugh tawe toman paitoon toozi, ve tipakur Maaron. ²⁷ Eemon gabua tau tingalaan mako na,

† **21:19:** Muun, daaba to watoonrau le gabua imin lugluug tau ituuk ila gargari, ve maet sanjavul ve ru tane tigheen ila. Saveen tane aat puughu tauvene: Tamtamon to nugh sambam (o lupuun to Krisi aazne paam) irau tileep tigharau Maaron ve tibeas pani imin muun daaba to watoonrau ighamghamu na. * **21:20:** Igham

28:17+; Is 54:11+ * **21:23:** Is 60:19+; Yo 1:4-5, 8:12; Syg 22:5

* **21:24:** Mbo 72:10+; Is 60:3, 11

eta irau ilonj ila mako. Ve isaav ighe tamtamon eta ighamgham njar sasaghati, ma ighamgham karom, i paam irau ilonj ila mako. Zeran tau ezazi igheen ila rau to lepoogh maata yaryaare tau Sipsip to Maaron injini na, yes mon ta irau tilonj tila nugh tawe. *

22

Yaa to lepoogh maata yaryaare

¹ Ra anjela tana itotoi yaa to lepoogh maata yaryaare payau. Yaa tawe, milmiliala ve ingalaan le ingalaan kat imin galas. Ve ivot ila Maaron yesuru Sipsip tooni niazi to ghamuunj pooz, ve ireer ivot. *

² Yaa tana ireer itaghon bodbodaan to eez tiina tau itaghon nugh loolo na. Ve ai to lepoogh maata yaryaare iyooz ila yaa tana ziige ru. Ndaman tisov, ai tawe iyanooj pai sanjavul ve ru. Tauvene anooja ivotvot irau kaiyo ta naol ne. Ve raua, ene to igharaat nughmarin, leso tileep poia. *

³ Patajanani isov tau muun Maaron ighur zi tinjarui tamtamon pa sosor toozi, ene tisov wa. Irau tivot muul mako. Ve Maaron yesuru Sipsip tooni niazi to ghamuunj pooz pale igheen izi nugh tawe. Ve Maaron besooja tooni pale tileep ta sewe, ve tibesbees pani. *

⁴ Yes pale tighit katin naagho. Ve i eeza igheen ila ndamozi. *

* **21:27:** Is 52:1; Lu 10:20; Syg 3:5, 22:14+ * **22:1:** Ezek 47:1; Sek 14:8; Yo 7:37+ * **22:2:** Gnp 2:9, 3:22; Ezek 47:12; Syg 2:7
* **22:3:** Gnp 3:17; Ezek 48:35; Syg 7:15 * **22:4:** Mbo 17:15; Mt 5:8; 1Kor 13:12; 1Yo 3:2

⁵ Nugh tawe, mbonj muul mako. Ve tamtamona lezi uraat pa lam ma aaz muul mako. Pasaa, Tiina toozi Maaron mbonari pale igham nugh ighazonj pazi. Ve yes pale tigham pooz irau saawe. *

Malau mako Yesu pale imuul ilam

⁶ Yau naghita gabua naol tane le isov, ra anjela tana isaav payau muul ighe: “Saveenj tane, ene saveenj onoon. Tauvene tamtamon irau tighur ila kat. Neer Tiina, i Maaron tau ipaburigin yes propet tooni gha tivotia aliinja pa tamtamon. I imbaanj anjela tooni ilam, leso ipaghazonjai yes besooja tooni pa gabua tau malau mako pale ivot itaghon ngar tooni. *

⁷ “Ve ulooj. Yesu aliinja ilat payo ighe: ‘Malau mako yau pale nalam. Tamtamon tau ighe maata kisin Maaron aliinja tau igheen ila rau tana ve itaghooni, ene aat tintini pa poia to Maaron tau pale iza tooni.’ ” *

⁸ Yau Yoan taug naloorej ve naghit katin gabua naol tane. Anjela itotoi zi payau le isov, ra natap nazi ila aaghe puughu naghe napakuru. ⁹ Eemon i ingalsekin ghau ighe: “Wai, ugham vene sov! Yau besooja to Maaron imin yo, tomania tonvetaz tsio tau timin propet to Maaron na, ve tamtamon tisov tau matazi kisin saveenj tau igheen ila rau tana ve titaghooni. Tauvene upakur ghau sov. Yo aat uput aghem pa Maaron ve upakuru.” *

* **22:5:** Is 60:19+; Dan 7:27; 2Tim 2:12; Syt 5:10, 21:23 * **22:6:**
 Syt 1:1+ * **22:7:** Syt 3:11 * **22:9:** Syt 19:10

10 Ra isaav payau muul ighe: “Maaron aliinja tau igheen ila rau tana, ungoza sov. Pa saawe to saveen tana anooja ivot, ene ilam igharau wa.” *

11 Tauvene isaav ighe tamtamon eta ighamgham ngar tau iduduun mako, ene i ila pa naagho mon! Ve isaav ighe tamtamon eta ighamgham ngar tau ingalaan mako, ene i paam, ila p anaagho mon. Eemon tamtamon tau ighe ighamgham ngar duduuna, ene i aat maata kisin ngar tana ve itaghoni. Ve isaav ighe tamtamon eta imin Maaron tamtamon tooni patabuyaana, ene i paam aat maata kisin ngar patabuyaana ve itaghoni.” *

12 “Aloon. Malau mako pale nalam ve naghur atuya pa tamtamon tisov itaghoon ngar toz toz.” *

13 “Yau naleep mungaana, ve naleep murei geeg. Yau namin puughu pa gabua naol isov, ve yau ta napasov zi. Gabua naol isov puughu, ene yau. Ve gabua tisov tighen to titaghoon ngar tsiau.” *

14 Yes tau timin nonoghiinja toozi le tingalaana, ene aat tintinizi pa poia to Maaron tau pale izaana toozi. Pasaa, yes aat irau tighan ai to lepoogh maata yaryaare anooja, ve titaghoon ataman tilon tila pa nugh tiina to Maaron.” *

15 Eemon yes tau matazi saghati imin ngavuun, ve yes mura, yes tau tighur boog, yes tau tirav tamtamon timaat, yes tau tibesbees pa maaron karomna, tomania tamtamon tisov tau lolozi pa ngar to karom ve tighamgham karom na, yes irau

* **22:10:** Syt 1:3 * **22:11:** Ezek 3:27 * **22:12:** Mt 16:27; Ro 2:6, 14:12 * **22:13:** Is 44:6, 48:12; Syt 1:8, 21:6 * **22:14:** Gnp 3:22; Syt 2:7, 7:14, 21:27

tilonj tila nugh tane mako. Pale tileep muuri. *

16 “Yau Yesu ta nambaanj anjela tsiau ilat gha isavia saveenj tane pa yam tau aleep ila lupuunj tsiau irau nugh nugh. Leso napariaanj gham to aghur ilam tsiau. Yau paaghu to David. Yau salunu tau navot ila tooni. Ve yau pitum zaunja to mbonoozo tau isul kat.” *

17 Maaron Avuvu yesuru livaa tau ighe ivai na, tisaav tigde: “Ulam!” Ve yes tau tiloonj saveenj tane paam, tisaav raraate tigde: “Ulam.” Isaav ighe tamtamon eta murunu, o ilam ighun yaa maata yaryaare tau le atuya mako ne. *

Yoan isaav ariaanj pa yes tau tiwaat saveenj tooni

18 Tamtamon tisov tau ighe tiloonj Maaron aliinja tau igheen ila rau tane, yau avog iyaryaanj pazi naghe: Isaav ighe tamtamon eta iseenj saveenj ite paam ila tomania Maaron aliinja tane, ene aat Maaron ighur patanjani tau rau tane isavia na iza tooni. *

19 Ve isaav ighe tamtamon eta ipas Maaron aliinja siriv tau igheen ila rau tane ve ipuli, ene aat Maaron imus eeza ighau. I irau ighan ai to lepoogh maata yaryaare, ve ileep izi nugh patabuyaanj tau rau tane isavia ne mako. *

20 Tauvene neer tau ivotia gabua naol tane ve ipariaanj saveenja na isaav ighe: “Onoon kat, malau mako pale nalam.”

Ene onoon. Yesu, Tiina tsiei, ulam lak! *

* **22:15:** 1Kor 6:9; Ga 5:19+; Syt 21:8 * **22:16:** Nam 24:17;

Is 11:1+; Syt 2:28, 5:5 * **22:17:** Is 55:1; Yo 7:37+; Syt 21:2, 6

* **22:18:** Lo 4:2, 12:32 * **22:19:** Igham 32:33; Mbo 69:28

* **22:20:** 1Kor 16:22

²¹ Poia to Tiina toit Yesu izaä to yam asov.
Onoon.

**Maaron Saveeng Tooni Patabuyaang
The New Testament and portions of the Old Testament
in the Tuam dialect of the Saveeng language of Papua
New Guinea. The Saveeng language is also called the
Mutu language.
Sampela hap Buk Baibel long tokples Saveeng Tuam
long Niugini.**

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 11 Nov 2022 from source files dated 9 Oct 2020

adb844f0-d769-5b05-9dd0-7c01fca938bb